

通禮

祠堂

宗法

深衣制度

居家襍儀

家禮源流

甲







家禮源流序

朱夫子家禮之書折衷古今  
定為著世通行之條則三修整  
宋訖等稿見途易簣之說乃  
出於其故與夫子晚年之修訂  
有參差矣且其名物度數





之間祗有所聽聲若字其病  
乎我市南先生遂取解釋名  
之曰家禮源流蓋以家禮在文  
為經情取法禮周禮戴禮以  
下諸經分注其下今或編入於  
補注之末此以謂源也又探源



來諸儒之說可以羽翼此書者  
錄於法經之下此所謂流也又  
於古經中揆出帝王家四禮及  
胡親聘享諸條附法爲末目  
以續錄自成條貫井不索開  
卷瞭然如指諸掌真所謂燭



幽之鏡指南之車也歲之篋  
笥今且八十年矣至今年五  
月左游政李公願命白于

迨希曰坡厠挽字俞榮步於閑  
退三時參考古今禮說作為  
家禮源流一編引據該博取



舍精確若使以書刊行其有益  
於世豈大矣俞蔡之孫相基以  
爲龍潭私令方欲入梓而邑力  
甚薄未卽始後今付道臣準  
備物力使相基開刊何如  
上允之於乞相基承命惶感



校讐淨寫之剞劂之書凡九卷  
以尚夏自幼稚出入於先生之門  
有高山景行之慕微以弁卷  
文願此陋拙曷足以掄揚發揮  
考信於今耳後然其言既懿  
尊不敢辭遂略書模稜如右云



崇禎紀元後八十六年癸巳  
仲冬上泮門人安東權尚夏  
新題

書家禮源流序後

在昔先生編輯此書時年老近  
用信商訂甚廣而後末義村所



任密通子不妄參助之補矣  
洎晚歲屢之門人尹極父之修  
潤完級實如噉茹之於儻禮通  
解至其易簣付貽之申勉尤切  
而今尹乃曰不記師教之子客歲  
比別敢話言此宣先生眷之屬托



之意以禮者所以正人心泯風  
教之今乃於父事之地用此種  
張之手段枉為用彼禮哉以先  
生之明鑑初不料如此斯人竟忘雖  
矣邪七之狼狽老本束仗倆何  
之責也



尚夏不書



家禮源流目錄

卷之一

通禮

祠堂

宗族

卷之二

深衣制度

卷之三

居家雜儀

卷之四

冠禮



冠

笄

卷之五

昏禮

議昏

納采

納幣

納徵

婦見舅姑

廟見

婿見婦之父母

卷之六

喪禮

初終

沐浴 哭奠為位 飯含



靈座 魂帛 銘旌

小斂 袒 括髮 免 髻 奠 代哭

大斂

卷之七

喪禮

成服

卷之八

喪禮

朝夕哭奠 上食

吊奠 賻

聞喪 奔喪



卷之九

喪禮

治葬

卷之十

喪禮

遷柩朝祖奠賻陳器祖奠

遣奠

發引

及墓下棺祠后土題木主成墳

反哭

反葬儀節補

改葬儀節補



卷之十一

喪禮

虞祭

卒哭

祔

小祥

大祥

禫

吉祭備要補

卷之十二

喪禮

居喪雜儀

致賻奠狀 謝狀

慰人父母亡疏 答疏

慰人祖父母亡啓狀 答狀



謝人吊賻會葬不行躬謝疏

卷之十三

祭禮

四時祭

祀土地儀節補

祀竈儀節補

卷之十四

祭禮

初祖

先祖

補

忌日

墓祭



家禮源流凡例

一家禮本文無論大文與註說依其次序而編之所引古今諸說分註於逐条之下

一添補諸說皆錄其書名與姓氏以為閱覽之便

一逐条解釋之外古書之可以旁照者別為編入於補註之下以備參考

一近世諸儒講說之言及俗制之便宜者并

存之使行禮之家有所擇焉

一續錄草藁間有殘缺處故後人之隨闕追  
填者書以補字於各条之末又低一字以  
別之

一圖子依楊氏儀禮例入於各条之下以便

考閱



家禮源流卷之一

家禮序

凡禮有本有文自其施於家者言之則名分之守愛敬之實其本也冠昏喪祭儀章度數者其文也其本者有家日用之常體固不可以一日而不修其文又皆所以紀綱

樂記

註綱網大人

道之始終雖其行之

有時施之有所然非講之素明習之素熟則其臨事之際亦無以合宜而應節是亦不可一日而不講且習焉者也三代之際禮經備矣然其存於今者宮廬器服之制出入起居之節皆已不宜於世世之君子

雖或酌以古今之變更為一時之法然亦或詳或略

無所折衷

衷平也當也

至或遺其本而務其末緩於實而

急於文自有志好禮之士猶或不能舉其要而困於

貧窶

窶謂無財可以為禮貧謂無財可以自給

者尤患其終不能有以及

於禮也熹之愚蓋兩病焉是以嘗獨究觀古今之籍

因其大體之不可變者而少加損益於其間以為一

家之書

家禮也

大抵謹名分崇愛敬以為之本至其

施行之際則又略浮文敦本實以竊自附於孔子從

先進之遺意誠願得與同志之士熟講而勉行之庶

幾古人所以修身齊家之道謹終追遠之心猶可以

敦儀  
節作  
務



復見而於國家所以崇化導民之意亦或有小補云

禮字志仁號信齋福寧州長溪人兩著有祭禮圖十四卷儀禮圖解十七卷家禮雜說

附著二卷曰先生曲禮註先生父兄之稱服毋喪

乾道五年九月先有德叅酌度量也古今咸盡其變

曰成喪葬祭禮又推之於冠昏名曰家禮既成為

一童行猶言童行之行竊之以逸先生易簣見檀弓其書始

出行於世陳淳曰嘉定辛未歲過溫陵先生季子敬之倅郡出示家禮一編云此往年

僧寺所止本也有士人錄得會先生葬日携来因得之○黃氏曰家禮先生易簣始出其間有與

先生晚年之論不合者故未嘗為學者道也今按先生所定家鄉邦國

王朝禮專以儀禮為經同是周公攝政六年所制

周禮取別夏殷故言周儀禮不及自述家禮則又

通之以古今之宜故冠禮則多取司馬氏名光字

州夏縣人贈溫國公謚文正著書儀昏禮則叅諸司馬氏程氏伊川先生

喪禮本之司馬氏後又以高氏名闕字抑崇宋人為禮部侍郎撰厚

終為最善及論祔遷則取橫渠地名在鳳翔郿縣先生姓張名載字

厚遺命治喪正寢註慶元六年三月甲子以疾終于

甲子即命移寢中堂黎明諸生復入問疾因請曰

先生之疾革矣萬一不諱當用書儀乎朱子搖首

然則當用儀禮乎亦搖首然則以儀禮書儀叅用

之乎乃領之就寢誤觸巾目門人使正之揮婦入

母近諸生揖而退良久怡然則以書儀踈略而用

而逝送終諸事皆用遺訓焉則以書儀踈略而用

儀禮祭禮無用司馬氏程氏而先後所見又有不



同節祀則以韓魏公

名琦相州安陽人

忠獻所行者為

法若夫明大宗小宗之法

曰所謂宗者以已

以得宗之名

又曰言宗子者宗主祭

也以寓愛禮存

祀○大綱註謂之小宗以其將還也

羊之意

當時宗法不行是子死則適孫不得奉此宗而次子主祀朱子猶且存宗法故云此

又家禮之大義所繫蓋諸書所未暇及而先生於

此尤拳拳也惜其書既亡至先生沒而後出不及

再修以幸萬世於是竊取先生平日去取折衷之

言有以發明家禮之意者若昏禮親迎用溫公入

門以後則從伊川

地名程叔子號

之類是也有後來議論

始定若祭禮祭始祖初祖而後不祭

集

云若以

至立春二祭以瞻覺得不安遂已之類是也有不

用疏家之說若深衣續衽鉤邊是也有用先儒舊

義與經傳不同若喪服辟領婦人不杖之類是也

凡此悉附於逐條之下云

周氏復曰文公門人三山楊復附註于逐條之

下者可謂有功於家禮矣復別出之以附于書之

後恐其間斷文公本書也抑文公以此書欲簡便而

易行故與儀禮或有不同如婦人用今之衰裳吊

喪者猶俗而答拜之類其所同者又不能無詳略

之異如魯禮之六禮喪禮類用衣多必之類楊

氏往來多不納之意復竊謂儀禮存乎古家禮通  
於今儀禮備其詳家禮舉其要蓋並行而不悖也  
故文公雖著家禮而尤著於編集儀禮之書遺  
命治喪必令參酌儀禮書儀而行之其意蓋可見  
矣好古而欲盡禮者固有儀禮在楊氏之說有不  
得而盡之節文人事之機則也蓋自天高地下  
錄云



萬物散殊而禮之制已存乎其中矣於五行則為  
火於四序則為夏於四德則為亨莫非天理之自  
然而不可易人稟五常之性以生禮之體雖具於  
有生之初形而為恭敬辭遜著而為威儀度數則  
又皆人事之當然而不容已也聖人必因人情而制  
禮既本於天理之正隆古之心邪僻天理湮晦於是  
於是理之中世降俗末人心邪僻天理湮晦於是  
始以是為強世之具矣先儒取其施於家者著為  
一家之書為斯世慮至切也臨菴先生以其本末  
詳略猶有可親斟酌損益更為家禮務從本實以  
惠後學蓋以天理不可一日而格物致知誠意正  
心以修其身皆所以正人心復天理也則禮其可  
緩與迨其晚年討論家鄉侯國王朝之禮以復三  
代之墜典未及脫藁而先生沒矣此百世之遺恨  
也則是書以就而切於人倫日用之常學者其可  
不盡心與學者得是書而習之又於先生所以教  
人者深致意焉然後知是書之作無非天理之自  
然人事之當然而不可一日缺也見之明信之篤  
守之固禮教之行庶乎有望矣○

林應氏作家禮辨謂文公先生於紹熙甲寅八月  
跋三家禮範云某嘗欲因司馬氏之書參考諸家  
之說裁定增損舉綱張目以附其後顧以衰病不  
能及已勉齋先生家禮後序云文公以先儒之書  
本未詳略猶有可親斟酌損益更為家禮迨其晚  
年討論家鄉族國王朝之禮未及脫藁而先生沒  
此百世之遺恨也今且以其書之出不同置之姑  
以年月考之宋光宗紹熙甲寅文公已於三家禮  
範自言顧以衰病不能及已豈於孝宗乾道已丑  
已有此書况勉齋先生亦云未及脫藁而文公沒  
則是書非文公所編不待辨而明矣文公集中有  
與門人言及家禮已成四卷并家禮序文此門人  
編入以為張本耳應氏此言謂家禮為未成之書  
雖成而未盡用可也乃并以為無此書可乎既無  
此書則胡為而有此序且序文決非朱子不能作  
而謂門人編入以為張本決不然也况其所引勉  
齋跋語所謂未及脫藁者指經傳通解也非謂家  
禮也三家禮範序所云是亦謂未及參考諸家裁  
定增損使無遺恨爾非謂無是書也黃陳李楊諸  
子皆出自朱門親受指教皆不以為疑而應氏生



元至正間一朝乃肆意下論以為非朱子所編斷  
斷乎出於門人傳會無疑且謂其妄意增損三家  
禮範之文殊乖禮經又謂附註穿鑿尤甚意應氏  
之為此言其亦淺妄之甚矣其辨中所言斧禮略  
如冠禮及謂祝穆謂文公甥皆可笑愚○禮之在  
恐學者惑於其說故載其語而略辨之○禮之在  
天下不可一日無也中國所以異於夷狄人類所  
以異於禽獸以其有禮也禮其可異於夷狄人類所  
以禮持世上自王朝以至于士庶人之家莫不有  
其禮秦火之厄所餘無幾漢魏以來王朝郡國之  
禮雖或有所施行而民庶之家則蕩然無餘矣士  
夫之好禮者在唐有孟詵在宋有韓琦諸人雖或  
有所著述然皆略而未備駁而未純文公先生曰  
溫公書儀森以程張二家之說而為家禮一書實  
萬世人家通行之典也議者乃謂此書初成為人  
所竊去雖文公亦未盡行意文公之身動容周旋  
無非禮者方其存時固無俟乎此書今其既沒之  
後有志欲行古禮者舍此將何據哉禮之在人  
如菽粟布帛然不可斯須無之讀書以為儒而不  
知行禮猶農而無耒耜工而無繩尺也尚得為農

工哉夫儒教所以不振者異端亂之也異端所以  
能肆行者以儒者失禮之柄也世之學儒者徒知  
讀書而不能執禮而吾禮之柄遂為異教所竊矣  
而不自覺自吾失吾禮之柄而彼因得以乘間陰  
竊吾喪祭之士直以為為追薦禱禳之事而吾之士  
大夫名能文章通經術者亦且甘心隨其步趣遵  
其約束而不以為非無怪乎舉世之人靡然從之  
安以為為常也世儒方歎歎然作為文章以攻擊異  
端為事噫吾家之禮為彼所竊去而不知所以反  
求顧欲以口舌爭之哉失其本矣竊以為家禮一  
書誠闢邪說正人心之本也使天下之人人誦此  
書家行此禮慎終有道退遠有儀則彼自息矣儒  
道豈有不振也哉然世之好議人者已懵然於儀  
文節度之間而忌人有為也聞有行禮者則曰彼  
行某事未合於禮彼行某禮有戾於古甚者又曰  
彼行之不盡何若我不行之為愈也殊不知人  
之行禮如其讀書然讀書者未必皆能造於聖賢  
之域然錯認金根為金銀者較之併與金銀不識  
者果孰勝哉濬生遊方自以有志於禮學意謂讀  
內文獻所在其於是禮必能家行而人習之也又



出而仕於中朝然後知世之行是禮者蓋亦鮮焉詢其所以不行之故咸曰禮文深奧而其事未易行也是以不揆愚陋竊取文公家禮本註約為儀節而易以淺近之言使人易曉而可行將以均諸窮鄉淺學之士若夫通都鉅邑明經學古之士自當考文公全書又由是而上進於古儀禮云○  
**家禮集說**凡例遵依國朝制度如喪禮父母及嫡繼慈養母皆斬衰三年祭四代共一祝版之類則皆革去家禮舊文悉從時制附註謂家禮為初年本與朱子後來所行不同如深衣續衽鉤邊喪禮惟父母用衰負版辟領與夫祭禮冬至立春不祭始祖先祖之類一以附註為主此不復錄家禮原文非倍其書也蓋從朱子晚年所行者為正

**通禮**

**以**曰此通祠堂深衣居家雜儀三章而名之

此篇所著皆所謂有家日用之常體不可一日而不修者

祠堂

此章本合在祭禮篇今以報本反始之心尊祖敬宗之意實有家名分之守所以開業傳世之本也故特著此冠于篇端使覽者知所以先立乎其大者而凡後篇所以周旋

旋是直去却回來其回轉處欲其圓如規也升降出入向背之曲

折亦有所據以攷焉然古之廟制不見於經且今士庶人之賤亦有所不得為者故特以祠堂名之而其制度亦多用俗禮云

監曰凡

主祭者出仕即告于廟以積載位版而行於官所權立祀堂以祭之



禮公

曰宋仁宗時嘗詔聽太子

註本

以大言之適子少傳見周以上皆立家廟

而有司終不為之定制度惟文潞公名彥博介

人立廟於西京洛陽他人皆莫之立故今但

以影堂言之子至於官師皆有廟及秦非

笑聖人蕩滅典禮尊君卑臣天子之外

無敢營廟漢世公卿貴人多建祠堂於墓

所在都邑則鮮焉魏晉以降漸復廟制其

後遂著於令以官品為所祀世數之差唐

世貴臣皆有廟及五代禮顯教墜廟制遂

廢宋興久而未講仁宗閱群臣貧窶公相

而祖補食于寢儕於族人聽文武官依舊

式立家廟於是共奏請自平章事以上立

一廟東宮太保以上立三廟詔如其請公

卿無肯倡眾為之者獨文公首奏乞立廟

禮記集說卷之

河南○曰古命士陳氏曰初命

三命為卿或曰一命受職再命受服三命

命子男之士不命則士固有不命者矣○

上士子男之上大夫也再命者天子之卿

士公侯伯之大夫子男之卿也三命者天

子之上士公侯伯之卿也○若今八九品官再命若今六七品官三命

若今京官五得立家廟家廟之制內立寢

品以上者○廟中立正廟註鬼神所在則曰廟

東西廟有室曰寢○疏室有東西兩曰廟無

廟前制廟後制寢以象人君之居前有朝

後有寢廟以藏主以四時祭寢有衣冠几

枕象生之具以薦新物秦始出寢起居衣

側漢因而不改故陵上稱寢殿起居衣

象生人之具古寢之義也○



氏曰先儒謂廟藏神主而祭以四時寢藏  
衣冠几杖之具而祭之以新物然國語大  
寒取名魚登水禽嘗之寢廟月令四時新  
物皆先薦寢廟盖有寢者薦於寢無寢者  
薦於廟非謂薦止於寢也○**氏**曰既曰  
寢又曰廟何也王者之於祖禰以人道事  
之則有寢以神道事之則有廟天子七廟  
而周官隸僕止掌五寢者以二祧將毀先  
除其寢事有漸故也外立門四面墻圍之  
祭神道也薦人道也

非命士止祭於堂上只祭考妣

**中庸**註或問官師一

廟得祭父母而不及祖無乃不盡人情耶  
朱子曰位卑則流澤淺其理自然如此又

問今士庶人家亦祭三代却是違禮曰雖  
祭三代却無廟亦不謂之僭古所謂廟體

面甚大皆具門堂寢室非伊川謂無貴賤  
如今人但以一室為之

皆祭自高祖而下但祭有豐殺

**社稷**天子皆太

牢諸侯社稷皆少牢大夫士宗廟之祭有

田則祭無田則薦註方氏曰大牢具牛羊

豕以其大故曰太少牢則羊豕而已以其

火故曰少天子之社稷主天下之士穀故

用太牢以祭之諸侯之社稷主一國之士

穀故用少牢以祭之此隆殺之別也○

高祖服既如是祭祀亦頂如是其疏數之

節未有可考但疏數不同廟向南坐皆東

其理必如此

嚮伊川於此不審乃云廟皆東向祖先位

面東自廟側直入其所反轉面西入廟中

其制非是古人所以廟面

面然面字終可東向坐者蓋戶在東牖在

疑但恐作皆

西坐於一邊乃是奧處也

南向但室戶在

南向但室戶在

南向但室戶在

南向但室戶在



室南壁之東偏而南向故以室西南隅為與而為尊者之居所謂宗室牖下既以西南為尊者之位固以東向為尊矣非謂廟東向而太祖也  
○嘗欲立一家廟小五架屋架立兩柱加榑

之謂制見上以後架作一長龕堂以板隔儀禮釋宮註

截作四龕堂堂置位牌也○牌蒲街切家

禮納朱條奉以告祠堂註無堂外用簾子祠堂或畫影或寫立位牌

補註此四堂字恐皆當作室蓋古者堂屋五架中脊之架曰棟次棟之架曰楣後楣

之下以南為堂以北為室與房今當以近北一架為四龕堂以前四架為堂張子曰

祭堂後作一室都藏位版如朔望薦新只設於室惟分至之祭設於堂此之謂也○

爾雅古者為堂有半以前虛小小祭祀時之謂之堂半以後實之為室

亦可只就其處大祭祀則請出或堂或廳

上皆可大祭小祭集說註小祭如節祀之類大祭如四時及正旦之類

祭曰正旦謂之大祭與家禮不同○唐大臣皆立廟於京

師也師衆也宋朝惟文潞公法唐杜佑

制佑萬年人德憲兩朝為司徒封坂國公撰通典二百篇○以曰佑黨於

任文宋立一廟在西京雖如韓司馬家亦

不曾立廟杜佑廟祖宗時尚在長安

**杜**孫曰伊川先生云古者庶人祭於寢

**王**註陳氏曰先王之於死者常待之以生由士以上生而異宮一子異宮也死則

為之立廟庶人則生非士大夫通典註賀

異宮死則祭於寢而已補曰古者



六卿天子上大夫也今之九卿光祿大夫  
諸秩中二千石者當之古之大夫亞於六  
卿今之五營校尉郡守諸秩二千石者當  
之上士亞於大夫今之尚書丞郎御史及  
秩千石縣令在官六品者當之古之中士  
亞於上士今之東宮洗馬舍人六百石縣  
令在官七品者當之古之下士亞於中士  
今之諸縣令長丞尉在官八品九品者當  
之祭於廟庶人無廟可立影堂今文公先  
生乃曰祠堂者蓋以伊川先生謂祭時不  
可用影集註或問祭時如何不可用影曰  
程子謂若用影祭須無一毫差方  
可若多一莖髮便是別人故改影堂曰祠堂云  
遺像歲時忌日懸揭曰子孫於一睹之頃  
潸然若見或有感慕奮勵者不可泥先儒  
一言視若古紙也○按此言雖  
善然其非為後世子孫云云似未安

君子將營宮室先立祠堂於正寢之東

祠堂之制三間外為中門中門外為兩階皆三級

見儀禮東曰阼階見儀禮西曰西階階下隨地廣

狹以屋覆之令可容家衆叙立又為遺書衣物

按開元禮有疾病遺言則書之文則是遺書○

春官遺衣服藏焉若將祭祀則各以其服授尸

註遺衣服大斂之餘也尸當服卒者之上服以象

生時○廟註朱子曰裳衣先祖之遺衣服祭則

設之以授尸使神依焉○古者先王衣服藏

之廟中臨祭時出以衣尸如后稷之衣到周時恐

已不在亦祭器庫及神厨於其東上聲以周垣

別為外門常加扃閉曲禮註扃門闢木○

因闔牖戶明是無事則閉若家貧地狹則止立一

之以其鬼神尚出暗故也



間不立厨庫而東西壁下置主兩櫃也西藏遺書

衣物東藏祭器亦可正寢謂前堂也地狹則於廳

事小學註廳所以治事故曰廳事之東亦可凡祠堂所在之宅宗

子世守之不得分祈○凡屋之制不問何向背但

以前為南後為北左為東右為西後皆倣此問家

廟在東莫是親親之義否曰此是人子不死其親

之意○又曰家廟要就人住居神依人不可離外

倣廟又在外婦女遇雨時難出入○儀禮按今世

大夫士無世官不敢立廟且如家禮立祠堂

君子將營宮室宗廟為先

大夫三廟一昭一穆與太祖之廟而三士一

廟庶人祭於寢侯國中下士一廟上士二廟○

二然其太祖昭穆之位猶諸侯也適士二廟則視  
大夫而殺其一官師一廟則視大夫而殺其二然  
其門堂室寢之備猶大夫也曰廟之為數降殺以  
兩而其制不降何也曰降也天子之山節藻祝復  
廟重檐諸侯固有所不得為者矣諸侯之黜聖蠲  
礪大夫有不得為矣大夫之倉楹斷楹士又不得  
為矣曷為而不降哉獨門堂堂室寢之合然後可名  
於宮則其制有不得而殺耳蓋由命士以上父子  
皆異宮生也異宮而死不得異廟則有不得  
盡其事生事存之心者是以不得而降也

**祭法** 大夫立三廟二壇曰考廟曰王考廟曰皇考

廟享嘗乃止顯考祖考無廟有禱焉為壇祭之去

壇為鬼二壇而無壇者以太祖雖無廟猶重之也適的士二廟一壇曰

考廟曰王考廟享嘗乃止皇考無廟有禱焉為壇

祭之去壇為鬼天子上中下之士及諸侯之上士得立二廟官師一廟



曰考廟王考無廟而祭之去王考為鬼

諸侯之中  
下士得立

一廟祖  
禘共之

庶士庶人無廟死曰鬼

**祭義**

築為宮室設為宗祧以別親疎逎教民反

古復始不忘其所由生也

# 祠堂全圖

家禮卷一

房  
室  
正寢  
燕古猶寢




按本註階下隨地廣狹以屋覆之其制不可得以詳也姑以本註推之其以屋覆之者乃家衆序立之際欲蔽雨暘也然則其制當與祠堂前簷相接今陵寢丁字閣亦其制也其下四龕註兩階之間又設香卓然則香卓豈可設於兩階之下乎

輯覽




祠 堂 一 間 圖



立祠堂聽事東之圖

身世源流卷一



三



為四龕以奉先世神主

祠堂之內以近北一架為四龕每龕內置一卓大

宗及繼高祖之小宗則高祖

爾雅註高最上也祖始也

居西曾

祖

曾重也

次之祖次之父次之繼曾祖之小宗則

不敢祭高祖而虛其西龕一繼祖之小宗則不敢

祭曾祖而虛其西龕二繼禰之小宗則不敢祭祖

而虛其西龕三若大宗世數未滿則亦虛其西龕

如小宗之制神主皆藏於櫝中置於卓上南向龕

外各垂小簾簾外設香卓於堂中置香爐香合於

其上兩堦之間又設香卓亦如之

補註本註簾外設香卓是各設

一卓兩堦之間又設是共設一卓也蓋同堂異室其禮如此○儀節每龕前各設一卓或共設一長

卓兩堦之間又通設一香案上置香爐香合之類○兩堦間卓子蓋為展謁及出入告辭不開中門

時用而焚香者非嫡長子則不敢祭其父若如嫡長同居

則死而後其子孫為立祠堂於私室且隨所繼世

數為龕俟其出而異居乃備其制若生而異居則

預於其地立齋以居如祠堂之制死則因為祠

堂朱子曰廟中自高祖以下每世為一室而考妣各自為主同更兩娶三娶者伊川則謂廟中只

當以元妃配而繼室者祭之他所恐於人情不安唐人自有此議云當并配唯葬則今人夫婦未必

皆合葬繼室別營地域宜亦可出妻入廟決然不

可為子孫者只合歲時就其家之廟拜之若相去遠則設位望拜可也族祖及諸旁親皆不當祭有不可忘者亦倣此例是矣○問生時男女異席祭



**記** 夫夫婦同席如何朱子曰夫婦同年而食語類○  
婦之鋪筵設同几為依神也註人生則形體異故

間夫婦之倫在於有別死則精氣無○主式見喪禮

及前圖堂而圖以為家廟一也深衣緇冠冠梁包

武而鬲則安梁於武之上二也黑履鬲用白三也

喪禮襲有深衣不用質殺而鬲乃陳之四也大歛

無布絞之數而鬲有五也無棺中結絞之文而

鬲結于棺中六也祠堂章下有主式見喪禮治葬章

無八字南雍家禮舊本只云主式見喪禮治葬章

見前鬲也鬲為後人贅入昭然矣

**程子**曰管主當攝持也天下人心收宗族同姓曰

厚風俗使人不忘本須是明譜系譜籍錄也

世族立宗子法程子曰凡言宗者以祭祀為主

言人宗於此而祭祀也遺書○

家豐原疏卷一

**朱子**

曰今祭孔子必於學其氣類亦可想○

**峯**

曰祭聖必於學祭先必於宗其義如是而今

世世族不免題紙榜行祭宗子法壞則人不知  
於諸子之家甚不可也

宋處以至流轉四方往往親未絕不相識又曰

今無宗子故朝廷無世臣若立宗子法則人知

尊祖重本人既重本則朝廷之勢自尊古者子

弟從父兄今父兄從子弟由不知本也○宗子

法廢後世譜牒

牒文

尚有遺風譜牒又廢人家不

知宋處無百年之家骨肉無統雖至親恩亦薄

○**張子**

曰宗法若立則人各知宋處朝廷大有

所益或問朝廷何所益曰公卿各保其家忠義



豈有不立忠義既立朝廷豈有不固○司馬溫

公曰所以而上者神道尚右故也○或問廟主

自西而列朱子曰此也不是古禮○問諸侯廟

制太祖居北而南向昭廟二在其東南穆廟二

在其西南中庸註陳氏曰玉制所謂三昭三穆昭在左左為陽昭者陽明之義穆在

右右為陰穆者幽陰之義以周言之書於文王曰穆考文王詩於武王曰率見昭考父穆則子

昭父昭則子穆也祭統所謂昭與昭穆穆與穆

蓋是也○集說朱子欲獻議以復昭穆不果

皆南北相重不知當時每廟一室或共一室各

為位也曰古廟制自太祖而下各是一室陸農

師宋鑑陸佃字農師山陰人嘗受學於王安石而不以新法為是徽宗時為尚書右丞著

雅樂春秋後傳禮象等書禮象圖可考西漢時高祖廟文帝

顧成廟漢書文帝四年作顧成廟註應邵曰漢文自為廟制度早狹若顧望而成猶文

王靈臺之不日而成故曰顧命各在一處但無

法度不同一處至東漢明帝謙貶不敢自當立

廟附於光武廟後漢書明帝遺詔無起寢廟歲主於光烈皇后更衣別室故有

興作者以擅其後遂以為例至唐太廟及群臣

議宗廟法論家廟悉如今制以西為上也至補處謂之東廟

今太廟之制亦然○大傳禮記篇名云別子為祖記

註別子有三一是諸侯適子之弟別於正適二是異姓公子來自他國別於本國不來者三是庶姓之起於是邦為卿大夫繼別為宗繼補者而別於不仕者皆稱別子



為小宗

本疏小宗所繼非一獨云繼禰者蓋小宗雖四初皆繼禰為始據初為元故云

繼禰

有百世不遷之宗有五世即遷之宗何也君

適

通作

長為世子繼先君正統自母弟以下皆

不得宗其次適為別子不得禰其父又不可宗

嗣君又不可無統屬故死後立為大宗之祖所

謂別子謂祖也其適子繼之則為大宗直下相

傳百世不遷別子若有庶子又不敢禰別子死

後立為小宗之祖其長子繼之則為小宗五世

則遷別子者謂諸侯之弟別於正適故禰別子

也為祖者自與後世為始祖謂此別子子孫為

於他  
本作  
為

卿大夫立此別子為始祖也繼別為宗謂別子

之世世長子當繼別子與族人為不遷之宗也

繼禰者為小宗禰為別子之庶子以庶子所生

長子繼此庶子與兄弟為小宗也五世則遷者

上從高祖下至玄孫謂玄者親屬也之子高

祖廟毀春秋文公二年曰壞廟之道易檐可也

所加耳非盡撤而悉去之也朱子曰改塗易檐言不是盡除只改其灰飾易其屋檐而已不

復相宗又別立宗也然別子之後族人衆多或

繼高祖者與三從兄弟見下喪服條從父下為宗至子五

世或繼曾祖者與再從兄弟為宗至孫五世或



繼祖者與同堂兄弟為宗至曾孫五世或繼補

者與親兄弟為宗至玄孫五世皆自小宗之祖

以降而言也魯季友桓公庶子乃桓公別子所

自出故為一族之大宗語類朱子曰魯之三宗季友季氏之太祖慶父

孟氏之太祖公子牙叔孫之太祖○呂氏言別子所自出者謂別子所出之先君也如魯季友

乃桓公之別子所自出故為桓公一族之大宗

也○大傳宗其繼別子之所自出者註朱子曰

所自出三滕文之昭滕侯爵文王子叔繡之後字衍文也朱子曰文王是穆故其

子曰文昭也武王為天子以次則周公為長故滕謂

魯為宗國又有有大宗而無小宗者皆適則不

立小宗也有有小宗而無大宗者無適則不立

語類

則二庶則庶宗其嫡是謂有大宗而無小宗皆庶宗其庶長是謂有小宗而無大宗○**大傳**本

註曰君無嫡昆弟使庶兄弟一人為宗以領公  
子其禮亦如小宗此之謂有小宗而無大宗也

君有嫡昆弟使之為宗以領公子更不得立庶昆弟為宗此之謂有大宗而無小宗也若公子

正一人無他公子可為宗是無宗也則亦無他  
公子宗教已矣此之謂無宗亦莫之宗也○

人宗之此無宗亦莫之宗也別子之嫡子即經

祖為大宗此有大宗而無小宗也別子之諸  
祭則別子別子雖是祖然是諸子之補繼補者

為小宗山有小宗而無大宗也有小宗而無大  
宗此句極難理會蓋本是大宗之祖別子之諸

子稱之却是福也遺書○**韓**按儀禮經傳及  
疏公之子不得宗其君故君命一人為宗以領

公而諸公子宗之適子為宗則宗之以小宗之禮皆公子昆



第中禮也他族則無之

今法長子死則主父喪用次子不

用姪若宗子法立則用長子之子○

**楊氏**

復曰

先生云人家族衆或主祭者不可以祭及叔伯

父之類則湏令其嗣子別得祭之今且說同居

同出於曾祖便有後兄弟及再後兄弟祭時主

於主祭者其他或子不得祭其父母若恁地哀

做一處祭不得要好則主祭之嫡孫當一日祭

其曾祖及祖及父餘子孫與祭次日却令次位

子孫自祭其祖及父又次日却令次位子孫自

祭其父此却有古宗法意古今祭禮

**朱子**

撰古  
今家祭禮

看漢日親當作看

家範卷之一

七九

這般處皆有之今要如宗法祭祀之禮須是在

上之家先就宗室及世族家行之做箇樣子

做作箇語樣方可使以下士大夫行之○排

祖先時以客位西邊為上高祖第一高祖母次

之只是正排着正面不曾對排曾祖祖父皆然

其中有伯叔伯叔母兄弟嫂婦無人主祭而我

為祭者各以昭穆論○黃氏瑞節曰神主位次

放宗法也今依本註姑以小宗法明之小宗有

四繼高祖之小宗者身為玄孫及祀小宗之祖

為高祖而曾祖祖父次之繼曾祖之小宗者身



為曾孫及祀小宗之祖為曾祖而以上吾不得祀矣繼祖之小宗者身為孫及祀小宗之祖為祖而以上不得祀矣繼禰之小宗者身為子小宗之祖為禰而以上不得祀矣不得祀者

得祀者當指繼高祖小宗而言然其上疑有闕文

以上為大宗之祖吾


不得而祀之也大宗亦然先君世子大宗以下又不得而祀之也朱子云宗法須宗室及世族之家先行之方使以下士大夫行之然家禮以宗法為主所謂非嫡長子不敢祭其父皆是意也至於冠昏喪祭莫不以宗法行其間云

禮記

曰宗法為諸子之庶子設故其流派浸多姓氏  
分錯易至釁亂故於源頭有大宗以統之則人  
同知尊祖分派處有小宗以統之則人各知敬  
補大宗是始祖正派下雖其後支分派別皆同  
宗此祖則合族皆服齊襄三月初不以親屬近  
遠論是為百世不遷之宗小宗是補正派下親  
盡則絕繼補者親兄弟宗之為之服著繼祖者  
則後兄弟宗之為之服大功繼曾祖者再後兄  
弟宗之為之服小功繼高祖者三後兄弟宗之  
為之服總麻自此以後代常趙一代是為五世  
則遷之宗宗法之立適長之尊有君道焉大宗  
所以統其宗族凡合族中有大事當稟大宗而  
後行小宗所以統兄弟如同補者有大事則同  
補之兄弟當稟繼補之小宗而後行一揆之中  
大宗只是一人小宗儘多故一人之身後下數  
至始祖大宗惟一數至高祖小宗則四此古者  
宗族人情相親人倫不乱豈非明適庶  
之分有君臣之義由大宗之法而然歟



# 祠堂龕室之圖



大宗小宗圖

無大宗則事四宗身事五宗

禰

繼禰小宗

祖

繼祖小宗

曾祖

繼曾小宗

高祖

繼高小宗

別子繼別

世世為大宗百

諸侯諸侯

世世為諸侯

儀節宗法圖

臣氏曰禮經別子法乃三代封建諸侯之制於今人家不

相合故今為此圖專主人家而言以始遷及初有封爵者為始祖準古之別子又以始祖之長子準古繼別之宗雖



非古制其實則古人之意也

禰生子為繼禰小宗統親兄弟至玄孫則遷

祖傳至孫為繼祖小宗統從兄弟至曾孫則遷

曾傳至曾孫為繼曾小宗統再從兄弟至其孫則遷

高祖傳至玄孫為繼高小宗統三從兄弟至其子則遷

始祖始遷及初有封爵者長子繼之子孫世世為大宗統族人主始祖廟祭

**大傳**別子為祖繼別為宗繼禰者為小宗有百

世不遷之宗有五世則遷之宗百世不遷者別

子之後也宗其繼別子之所自出者百世不遷

者也宗其繼高祖者五世則遷者也○有小宗

而無大宗者有大宗而無小宗者有無宗亦莫  
之宗者公子是也公子有宗道公子之公為其  
士大夫之庶者宗其士大夫之適者公子之宗  
道也公子之公謂公子之適兄弟為君者士大夫之適者君同母弟適夫人所生○  
庶子不祭明其宗也

**喪服小記**庶子不祭祖者明其宗也○庶子不

祭補者明其宗也鄭注曰不祭祖補適也於祖猶為庶也不祭祖補庶也朱

子曰不祭補不祭祖文意重複似是衍文鄭氏曲為之說今姑從之然不如大傳庶子不祭明

其宗之語簡而事該也

**曲禮**支子不祭祭必告于宗子若宗子有疾不堪當祭則庶子



代攝可也。猶必告于宗子。然後祭。○  
所謂支子不祭者。准使宗子立廟主之而已。支子雖不祭。至於齋戒致誠。意則與主祭者不異。可與則以身執事。不可與則以物助。但不別立廟。為位行事而已。後世如欲立宗子。當從此義。雖不祭。情亦可安。若不立宗子。徒欲廢祭。適足以長惰慢之志。不若使之祭。猶愈於已也。

**曾子問**曰：宗子為士，庶子為大夫，其祭也如之？

何孔子曰：以上牲。

士特牲，大夫少牢，皆以上牲也。

祭於宗子之

家，祝曰：孝子某為

去聲

介子某薦其常事。若宗子

有罪，居於他國，庶子為大夫，其祭也。祝曰：孝子

某使介子某執其常事。攝生不厭，祭

厭，饜飮之義。有陰厭。

陽厭。

不旅，不假。

假，不綏。

虛規反。周禮作墮，減毀之名。

祭不配。

祝云。

家範卷一

以其氏配布奠於賓賓奠而不舉不舉酬也不歸肉不歸俎於

賓其辭子賓曰宗兄宗弟宗子在他國使其辭

曾子問曰宗子去在他國庶子無爵而居者可

以祭乎孔子曰祭哉請問其祭如之何孔子曰

望墓而為壇以時祭卑賤不得於廟行禮但當祭時望墓以祭若宗

子死告於墓而後祭於家宗子死稱名不言孝

身沒而已庶子身死其適子祭稱之時可稱孝子游之徒有庶子

祭者以此若義也今之祭者不省其義故誣於

祭也本註詳見祭除下

劉氏垓孫曰呂汲公家祭儀曰古者小宗有



四有緦補之宗緦祖之宗緦曾祖之宗緦高

祖之宗所以主祭祀祭法註方氏曰祭者而祀之事祀者祭之道而

統族人補註愚謂繼高祖小宗統三從兄弟

祖緦曾祖小宗統再從兄弟主曾祖廟祭及

事前二宗以祭始祖高祖緦祖小宗統從兄

弟主祖廟祭及事前三宗以祭始祖高祖曾

祖緦補小宗統兄弟主補廟祭及事前四宗

以祭始祖高祖曾祖及祖此小宗子也至大

宗子在家則統三從兄弟以主高祖廟祭在

墓則統合族兄弟以主始祖先祖二祭始祖

有主先祖無主亦設位祭於始祖之廟畧如

天子大禘於大廟之儀繼高小宗其祭先祖

無始祖之廟但設位廟側望室一祭而已

後世宗法既廢散無所統祭祀之禮家自行

之支子不能不祭祭不必告於宗子今宗法

雖未易復而宗子主祭之義略可舉行宗子

為士庶子為大夫以上牲祭於宗子之家故

今議家廟雖因支子而立亦宗子主其祭而

用其支子命數所得之禮可合禮意

朱子四復宗子

法於廢後而宗子無力不能立祠堂則庶子立之然亦宗子主其祭而用宗子所得命數

之禮○先生曰祭祀須是用宗子法方不亂不

然前面必有不可處置者○父在主祭子出

仕宦不得祭父沒宗子主祭庶子出仕宦祭

時其禮亦合減殺不得同宗子○宗子只得

立適雖庶長立不得若無適子則亦立庶子



所謂世子之同母弟世子是適若世子死則  
立世子之親弟亦是次適也是庶子不得立  
也○大宗法既立不得亦當立小宗法祭自  
高祖以下親盡則請出高祖就伯叔位服未  
盡者祭之嫂則別處後其子私祭之今世禮  
全亂了

**程伯子**曰宗子繼別為宗言別則非一也如  
別子五人五人各為大宗所謂兄弟宗之者  
謂別子之子繼脩者之兄弟宗其小宗子也  
○又曰凡人宗法須令每有族人遠來則為  
一會以合族雖無事亦當每月一為之古人  
有花樹韋家宗會法可取也然族人每有吉  
凶嫁娶之類更須相與為禮使骨肉之意常  
相通骨肉自疎者只為不相見情不相接爾

○又曰立宗非朝廷之所禁但患人自不能行之○**程叔子**曰凡小宗以五世為法親盡

則族散若高祖之子尚存欲祭其父則見為宗子者雖是六世七世亦湏計會今日之宗

子然後祭其父宗子有君道○又曰立宗必有尊宗法如卑幼為大臣以今之法自合立

廟不可使後宗子以祭侯師聖有伊川奪適之說見外書尹子觀註云此一段差語宋子

亦云此說亦不見得是如何○**張子**曰人有數子長者至微賤不立其間一子仕宦則更

不問長少湏是士人承祭祀○又曰宗子法雖奪宗大夫不可奪宗語類○又曰宗子法雖

宗子庶子孫死亦許其子孫別立廟語類○又曰祭禮極難處竊意神主唯長子得奉祀

之官則以自隨影像則諸子各傳一本自隨無害也大全○又答陳安卿問曰所問主祭

事据禮合以甲之長孫為之乃是若其不能則以目今尊長攝行司也如又疾病則以此

攝似亦無害異時甲之長孫長成却改正亦不妨也○先生宗法條目曰晨興詣家廟瞻



敬朔望薦新俗節則祭以時物祭用分至  
 日祭於堂展墓用寒食及十月朔時祭畢合  
 族飲福朔望昆弟會食謀家事娶婦嫁女給  
 聘奩物生子給羊酒賓客慶吊送終歲終會  
 計子弟不奉家廟未冠執事根慢已冠顏廢  
 先業並行夏楚一家禮會通○東萊宗法條目  
 詳見禮說○詳見禮說曰古者宗法有南宮北宮  
 便是不分財也雖異爨今若同爨固好只是  
 少間人多了又却不齊整又不如異爨聞陸  
 子靜家有百餘人喫飯曰近得他書己自別  
 架屋便也是許多人無頓着處又曰見宋子  
 蜚說廣西賀州有一人家共一大門門裡有  
 兩廊皆是子房如學舍僧房每私房有人客  
 來則自辦飲食目上大廳請尊長伴五盞後  
 却回私房別置酒恁地却有宗子意亦是異  
 爨見說其族甚大又曰陸子靜始初理會家  
 法亦齊整諸父自做一處喫飯諸母自做一  
 處喫飯諸子自做一處喫飯諸婦自做一處  
 喫飯早勿自做一處或問父子須異食否曰

雖是如此亦須待父母食畢然後可退而食  
問事母亦須然否曰也須如此問有宴飲如  
何曰這須同處如大  
饗君臣亦同坐詭類

**喪服傳**為人後者孰後後大宗也○如何而可

以為人後支子可也註並見本傳

**喪服小記**為殤後者以其服服之註言為後據承之也殤無

為人父之道以本親之  
服服之○陳氏說可疑

**曾子問**孔子曰宗子為殤而死庶子不為後也

註族人以倫代之明不得序昭穆立之  
廟其祭之就其祖而已代之者主其禮

**漢石渠議**大宗無後族無庶子已有一嫡子  
當絕父祀以後大宗否戴聖云大宗不可絕

言嫡子不為後者不得先庶耳族無庶子則  
當絕父祀以後大宗○**田瓊**曰以長子後大



宗則成宗子禮諸父無後祭於宗家後以其  
庶子還承其父○程曰禮長子不得為  
人後若無兄弟又繼祖之宗絕亦當緇祖禮  
雖不言可以義起○禮曲張湛謂曹述初曰  
禮所稱為人後後大宗所以承正統若非大  
宗之主所繼非正統之重無相後之義曰然  
則苟非大宗而無後者雖有親兄弟之子如  
欲從禮則終無相後之義耶按張湛又曰兄  
弟以子相養者代代有之此輩甚衆時無讓  
議蓋同繼一祖兄弟所生猶如已子非犯禮  
違義故也雖非禮之正義○魏時或為四孫  
亦是一代成制由來古事○論曰遇兵飢饉  
有賣子者有棄溝壑者有生而父母亡無繼  
親其死必也有俗人以五月生子妨忌之不  
舉者有家無兒收養教訓成人或語汝非此  
家兒禮異姓不為後於是使欲還本姓為可  
然否博士田瓊議曰雖異姓不相為後禮也  
家語曰絕祀而後他人於理為非今此四孫  
非故廢其家祀既是必死之人他人收而養  
活且褒姒長養於褒便稱曰褒姓無常也其

家若絕祀不可四時祀之門戶外有子可以為  
後所謂神不散非類也徐幹曰祭所生父母  
於門外不如左右邊特為立宮室別祭也子  
達叔議曰此四孤者非其父母不生非遇公  
姬不濟既生既育由於二家棄本背恩實未  
之可今宜謂子竭其筋力報於公姬育養之  
澤若終為報父在為母之服別立宮宇而祭  
之畢已之年○**陳**曰養異姓為嗣者  
陽若有絀而陰已絕矣固為不可然同姓又  
有賜姓變姓實為混雜其立同宗者不可恃  
同姓為憑須擇近親來歷分明者立之則一  
氣所感父祖不至失祀○又曰今世多以女  
子之子為後以姓雖異而氣類相近然賈充  
以外孫韓謐為後秦秀已議其昏亂紀度是  
則氣類雖近而姓氏實異此說斷不可行○  
**出**曰大宗絕立後小宗絕不立後為今制  
按國初令典凡無子許令同宗昭穆相當之  
姪承緇無同父周親及大功小功總麻然後  
方許擇立遠親同姓若立嗣之後却生親子  
其家產并許均分不許養異姓為嗣立同姓



者亦不許尊卑失序失序者其子歸宗改正  
又兩養父母有親生子及本生父母無子欲還者  
聽遺棄少兒三歲以下雖異姓仍聽收養即  
從其姓云云凡為人後者除大宗外其餘必  
有父在承父之命方許出繼已孫之子不許  
所以不許者為人後者為之子則稱其所生  
為伯叔不承父命而輒稱父母謂伯叔可乎  
是人貪利而忘親也若緇前代名人之後或  
在今朝曾有顯宦者以宗法為主先求四宗  
四宗無人然後及遠族同姓若其人生前或  
養同宗之子雖其世系比近亦稍遠昭穆差  
不失序亦不必更求之他以其  
有鞠育之恩心已相孚故也

旁親之無後者以其班祔

班次也

伯叔祖父母祔于高祖伯叔父母祔于曾祖妻若  
兄弟若兄弟之妻祔于祖子姪祔于父皆西向主

櫛並如正位兩旁男左女右亦可用櫛列主於龕之姪

之父龜峯曰姪之父兄弟行也姪無後當附其祖

及其祖死而其父立祠堂則乃遷而從親祖也蓋此云姪之父從兄弟及再從兄弟也若親兄弟則

有家已立祠堂宜自立祠堂則遷而從之○附其姪何遷之有

曰無服之殤不祭下殤之祭終父母之身中殤之

祭終兄弟之身長殤之祭終兄弟之子之身成人

而無後者其祭終兄弟之孫之身此皆以義起者

也中庸或問自吾父祖曾高謂之正統其伯叔曾

有為後之文則所謂旁親之無後者亦可以有後而曰無後者何也沙溪按曾子問孔子曰宗子為

殤而死庶子不為後註雖是宗子死在殤年無為人父之道故也曰然則成人而無後者何也曰按

人父之道故也曰然則成人而無後者何也曰按



喪服傳為人後者孰後後大宗也冒為後大宗也  
尊之統也○傳曰孔子曰宗子為殤而死庶  
子不為後也疏殤無為人父之道代為宗子者主  
其禮其祭之疏殤無為人父之道代為宗子者主  
孫祔祖龕龕若孫死而祖在則祔何處按禮記祔  
于高祖龕妻死夫之祖母在亦然○按禮記祔  
祔昭祔昭穆祔穆如曾祖兄弟  
無後者無昭穆可祔故不祭

**喪服小記**庶子不祭殤與無後者殤與無後者從

祖祔食庶子所以不得祭此二者以已是父之庶

立祖廟故無後之兄弟已亦不得祭之也祖廟在  
宗子之家此殤與此無後者當祭祖之時亦與祭

於祖廟故曰  
從祖祔食

**曾子問**凡殤與無後者祭於宗子之家凡殤非宗

無後者謂庶子之無子孫者也此二者若  
是宗子大切內親則於宗子家祖廟祭之

家範

**陽** 復曰按祔位謂旁親無後及卑幼先亡者

祭禮纔祭高祖畢即使人酌獻祔于高祖者曾

祖祖考皆然時祭條亦曰每逐位讀祝畢即分詣所祔之位獻酌云云祔高祖者

乃曾祖之子行而反先獻於曾祖無乃未安耶

丘氏儀節則先獻正位畢而次祔位朱子亦曰

祔食之位古人祭於東西廂其只設於堂之兩

邊正位三獻畢使人分獻一酌如學中後祀然

○**通**曰朱子意甚善故祝文說以某人祔食尚饗

尚庶幾也詳見後祭禮篇四時祭條○**劉氏** 坎

孫曰先生云如祔祭伯叔則祔于曾祖之旁一

邊在位牌西邊安伯叔母則祔曾祖母東邊安

兄弟嫂妻婦兄弟嫂已則祔于祖母之旁伊川云

下祀



脫父字

曾祖兄弟無主者亦不祭不知何所據而云伊

川云只是義起也○遇大時節唐書註四仲請

祖先祭于堂或廳上坐次亦如在廟時排定

按附位有一附祭有二蓋四龕神主以西為上

先高祖考妣次曾祖考妣次祖考妣次父母

父母附于曾祖妻若兄弟若兄弟之妻附于

子侄附于父皆西向以北為上此合男女而

也至於附祭小祭祀只就其處四龕神主不

動附祭神主則以東西分男女祭伯叔祖父母

于高祖考西邊東向伯叔祖父母附高祖妣東邊

西向伯叔父附曾祖考西邊東向伯叔父母附曾

祖妣東邊西向兄弟以下倣此○通鑑曰今按

本註正位如在廟時排

定附註云云未詳何義

附祭旁親者右丈夫左

婦女坐以就裡為大

裡內也指堂之北而言也

大下所謂大小分排之大

謂年之大小謂就內面為尊也○龜峯凡祔於

此者不從昭穆了只以男女左右大小分排在

廟却各從昭穆祔理言曰無後者必祭借如有

言無後蓋有子也至從父然後祭禮正有所統屬

夫祭者必是正統相承然後祭禮正有所統屬

今既宗法不正則無緣得祭祀正故且湏參酌

古今順人情而為之今為士者而其廟設三世

凡筵士當一廟而設三世以是只於禘廟而設

祖與曾祖位也有人又有伯祖與伯祖之子者

當如何為祭伯祖則自當與祖為列後父則自

當與父為列苟不如此使死者有知以人情言

之必不安禮於親疎遠近則禮自有煩簡或月

祭之或享嘗乃止故拜朔之禮施於三世伯祖

之祭只可施於享嘗平日藏其位版於櫝中至

祭時則取而祔之其位則自如尊卑只欲尊祖

豈有違祀之嫌若使伯祖設於他所則似不得

祔祭皆人情所不安○陳安卿曰為僧



無後固當祭之無可疑天全○荅葉仁父曰族祖及諸旁親皆不當祭有不可忘者亦放為出母歲時就其家之廟拜之或相去遠則設位拜之例可也天全○問祭旁親遠族不當祭若無後者則如之何曰這若無人祭只得為他祭自古無後者合當祭於宗子之家今何處討宗子看古禮今無存者要一行之也難語類

### 置祭田

初立祠堂則計見田每龕取其二十之一以為祭田親盡則以為墓田後凡正位祔位皆放此宗子主之以給祭用上世初未置田則合墓下子孫之田龜峯曰非田在墓下云計數而割之皆立約聞官不得典典質也或賣

王制大夫士宗廟之祭有田則祭無田則薦有田則祭無田則薦

牲曰祭無牲曰薦○  
時孟月也○  
程子曰卿以下必有圭田祭祀之田也祿外之田也

具祭器

床席倚卓盥盆火爐酒食之器隨其合用之數皆具貯於庫中而封鎖之不得他用無庫則貯於櫃

中不可貯者列於外門之內儀節倚卓子床

香匙 燭檠 茅沙盤 祝版 珥 玳 酒注 盞 盞 茶甌 茶盞 并 托 枕 櫟子 匙

筋 酒尊 玄酒尊 托盤 盞盤 并 架 祭器 人 家 貧 不 能 備 者 用 燕 器 代 之

亦可



**禮**

凡家造祭器為先○無田祿者不設祭器有

田祿者先為祭服君子雖貧不粥育祭器雖寒不

衣祭服

衣去聲註呂氏曰祭器可假服不可假

○大夫士去國祭器

不踰竟境大夫寓祭器於大夫士寓祭器於士○

祭器敝則埋之祭服敝則焚之

**玉制**

大夫祭器不假祭器未成不造燕器

註大夫有田祿

則不假借祭器於人無田祿者不設祭器則假之可也

**禮通**

大夫祭器不假非禮也

註祭器惟公孤以上得全備大夫無田祿

者不設祭器以其可假也有田祿者亦不得全具須有所假不假亦潛假也

**程**

曰祭者所以盡誠或者以禮為一事入器與鬼器等則非所以盡誠而失其本矣○故

曰不席地而倚卓不手飯而匕飭此聖人必  
隨時若未有當且作之矣○又曰祭器坐席皆  
不可離用○**疏**曰古人無倚卓智非不能及  
也聖人之才豈不如今人但席地則體恭可以  
拜伏今坐倚卓至有坐到起不識動者主人始  
親一酌已是非常之欽蓋後世一切取便安也  
○又曰以聖人之智非不能為後之器血須要  
作簋豆簠簋以祭欲不使於褻用也若褻用則  
自有燕器惟是大賓客至敬則用祭器○又曰  
簋豆簠簋之器乃古人所用故當時祭享皆用  
之今以燕器代祭器常饌代俎豆諸錢代幣帛  
是亦以平生所用是謂從宜也○又曰禮器出  
人情亦是人情用○又曰木豆為豆銅豆為登  
○又曰凡是坐物有可以按手者如今之三清  
椅○問唐人立廟不知當用何器曰本朝只文  
穆公立廟不知用何器曰與叔亦曾立廟用古  
器語類



圖


器

祭

牀

卓

倚





瓶

盤

環玦

祝板

高五寸



臨祭以紙書  
文粘於其上  
而置酒注卓  
上讀畢置香  
案上香爐北

盞

酒注

匙


祝

祭

燭

束茅長八寸餘

香爐



筭


尊

釜

鼎

鹽盒

火



主人晨謁於大門之內

主人謂宗子主此堂之祭者晨謁深衣焚香焚香說見

下時祭降再拜儀勅每日風興先命子弟洗手焚香主入具衣冠至門內諸香案前

跪焚香再拜雖非主人隨主人同謁無妨○

之內再拜雖非主人隨主人同謁無妨○

出入告諸子婦既同主人主婦則支子之與長子同居者恐不可獨廢晨謁隨宗子晨謁合禮

**影堂**先生每日早起子弟在書院皆先看社到影堂前擎板俟先生出既啓門先其隆堂率子弟以次列拜炷香又拜而退子弟一人詣土地

之祠炷香而拜隨侍登閣拜先聖像方坐書院

受早揖飲湯以坐或有請問而去月朔影堂薦

酒果望日則薦茶有時物薦新而後食○先生早晨拈香春夏則深衣冬則戴茶紗帽衣則以布為之潤袖皂綠裳則用白紵如瀛溪畫像之服或有見任官及他官相見易窄衫而出○

**金葉**味道問昔侍先生見早晨入影堂焚香晨



拜而昏暮無復再入未知如何答曰向見今趙  
丞相日於影堂行會定之禮或在燕集之後  
起未安故每常只循舊禮晨謁而已○  
問遂日晨謁或未潔則奈何退溪曰若計此則  
是乃周澤長齋恐無是理蓋晨  
謁但行庭拜非有薦獻故也

### 出入必告

主人主婦近出則入大門瞻禮而行

猶言揖也儀節男子唱喏

婦人立拜歸亦如之經宿而歸則焚香再拜遠出經旬

以上則再拜焚香告云某將適某所敢告又再拜  
而行歸亦如之但告云某今日歸自某所敢見經  
月而歸則開中門立於階下再拜陞自阼階焚香  
告畢再拜降復位再拜餘人亦然但不開中門

三

主人立階下再拜詣香案前跪焚香告辭曰孝孫某將遠出某所敬告歸則云歸自某所敬見再拜

禮畢餘凡主婦謂主人之妻曾子問孔子曰宗

同本註婦非宗子雖無主婦可也程叔子曰宗子雖七十無無主婦此謂承祭祀也然亦不當道七十只

道雖老無主婦凡升降惟主人由阼階主婦及

婦使得還畫凡升降惟主人由阼階主婦及

餘人雖尊長亦由西階凡拜男子再拜則婦人

四拜謂之俠拜會其男女相答拜亦然周禮

大祝辨九擗舌拜字九曰肅擗鄭註肅拜但俯下

手今揖擗義切是也推手曰揖引手曰擗儀禮

婦拜扱地坐奠菜于几東席上還又拜如初註扱地手至地也婦人扱地猶男子稽首跪曰重其禮也按婦人以肅拜為正蓋肅拜乃婦人之常而昏

禮拜扱地以其新來為婦盡禮於舅姑也一婦人吉事雖有君賜肅拜為尸坐則不手拜肅拜為喪主則不手拜鄭註曰肅拜拜低頭也手拜拜手



三地也婦人以肅拜為正凶事乃手拜耳為喪主  
不手拜者為夫與長子當稽顙也其餘亦手拜而  
已○儀禮正義曰此一節論婦人拜也吉事交君賜  
不手拜但肅拜肅拜如今婦人拜也吉事交君賜  
悉然也○陳曰肅拜如今婦人拜也左傳三肅  
使者亦此拜手拜則手至地而頭在手上也如男  
子拜也婦人以肅拜為正故雖君賜之重亦肅拜  
而受若為夫與長子之喪主則稽顙故不手拜若  
有喪而不為主則手拜矣內則允女拜尚右手註  
曰右陰也按檀弓孔子與門人立拱而尚右註  
謂右手在上也○通鑑周天元詔內外命婦皆執  
笏其拜宗廟及天臺皆倮伏如男子按謂之如則  
前此不知如此可知矣○問古者婦人以肅拜  
為正何謂肅拜朱子曰兩膝齊跪手至地而頭不  
下為肅拜手拜亦然為喪主則頭亦至地而肅拜  
樂府說婦人云伸腰再拜跪伸腰亦是頭不下也  
不知婦人膝不跪地而寢為今之拜始於何時程  
泰之以為始於武后非也○古人席地而坐有問  
於人則略起身時其膝至地故謂之跪若婦人之  
跪在古亦跪古樂府云伸腰拜手跪則婦人當跪

而拜但首不至地耳○古人坐也是跪其拜亦容  
易婦人首歸盛多自難俯伏地上同天元令命婦  
為男子拜史官書之以表其異則古者婦人之拜  
首不至地可知也然則婦人之拜當以深拜頰合  
於古按本註凡拜男子再拜婦人四拜謂之休拜  
蓋主立拜言也今世俗南方婦女皆立而又手屈  
膝以拜北方婦女見容輒俯伏地上謂之磕頭以  
為重禮禮之輕者亦立而拜但比南方畧淺耳考  
之古禮及儒先之說蓋婦人當以肅拜為正所謂  
肅拜之儀鄭氏於周禮註以為俯下手為肅拜於  
以儀疏以為拜低頭而朱子亦云兩膝齊跪手至  
地頭不下為肅拜又云當跪而拜但首不至地耳  
今其儀雖不可曉但以此數說推之大概畧似是兩  
膝齊跪伸腰低頭俯引其手以為禮而頭不至地  
也今北俗磕頭則類於地稽顙之禮唯可用之昏  
禮見舅姑及喪禮為夫與子主之時尋常見人宜  
畧如所擬肅拜儀可也南俗立拜已久不可驟變  
但須深屈其膝母但如北俗之沾裙又手以右為  
尚每拜以四為節如所謂俠拜者若婦見舅姑則  
當扱地為喪主則稽顙不為喪主則手拜庶幾得



禮之意云○  
 禮主婦無俠拜註云士妻儀簡耳○  
 按以牢饋食禮主婦俠拜特

牢大夫禮特  
 士禮也


義手圖



祇揖圖



展拜圖



凡又手之法以左手緊事林廣記凡作揖時用稍潤  
 把右手大姆指其左手其是立則穩揖則須直其膝  
 小指則向右手腕右手曲其身低其頭眼者自已  
 四指皆直以左手大指頭為準或儀方義使手以只  
 向上如以右手掩其臂可至膝畔不得入膝內尊長  
 手不可大着臂須令稍前作揖手須過膝下若畢則  
 去臂二三寸許方為又手隨時起而叉於臂前揖時  
 指在袖外謂之鮮禮非見專賀語不然初連四拜却叙寒  
 長之禮也暄亦得

家範卷一

揖禮圖



拜禮圖



稽首謂拜下額按至手伏久方起謂之稽首稽遲也○凶禮拜而後稽顙謂先作頓首後作稽顙稽顙還是頓首但觸地無容謂之稽顙叩頭謂拜下以手分按地用頭叩地者三頓首謂拜

上禮下官躬身舉手齊眼下致敬上官隨坐隨立無答

中禮下官躬身舉手齊口下致敬

下禮上官舉手齊心答禮

頭至手即起握首謂拜下頭不至手即起肅拜兩膝齊跪伸腰低頭俯引其手而頭不至地拜中最輕唯軍中有此肅拜婦人亦以肅拜為正稽首五拜臣下見上之禮先稽首四拜后叩頭一拜稽首四拜百官見東宮之禮頓首再拜文武官品從相次者下官居下頓首再拜上官居上控首再拜答禮控首再拜官品相等者平交相見之禮也○子孫弟姪甥婿見尊長生徒見師範奴僕見本使行頓首四拜禮長幼親戚依等次行頓首再拜禮



正至朔望則參參禮

正至朔望前一日灑掃齋宿殿明夙興開門軸簾

每龕設新果一大盤於桌上得即看菜之類隨宜每位茶盞

托韻會作拓手承物也酒盞盤各一於神主櫝前設東茅聚

沙見下時祭條於香卓前別設一卓於阼階上置酒注

盞盤一於其上酒一瓶於其西盥盆巾各二帨

巾中拭手者儀節止用一亦可○龜曰男於阼

階下東南有臺架者在西為主人親屬所盥無者

在東為執事者所盥巾皆在北主人以下盛服入

門就位主人北面於阼階下主婦北面於西階下

主人有母則特位於主婦之前主人有諸父諸兄則特位於主人之右少前重行西上有諸母姑嫂姊則特位主婦之左少前重行東上諸弟在主人之右少退子孫外執事者在主人之後重行西上主人弟之妻及諸妹在主婦之左少退子孫婦女內執事者在主婦之後重行東上

補註謂之重行者若伯父與叔

父伯母與叔母云云是也謂之西上者以西為上若伯父在叔父之左諸兄在諸弟之左是也謂之

東上者以東為上若伯母在叔母之右諸嫂在弟婦之右是也立定主人盥洗升

楮笏

小學註陳氏曰楮揄也揄救大帶笏者忽也書以備忽忘者也制見下深衣條玉藻註○

朱子曰秉笏為備遺忘啓櫝集賢問置櫝蓋方位今世遂以為常執之物按唐元陵儀註大



祝奉神主置於曲几後跌上其匱奉諸考神主置

於櫝前主婦盥帨盥帨謂用匱升奉諸妣神主置

于考東次出祔主亦如之命長子長婦或長女盥

洗升分出諸祔主之早者亦如之開畢主婦以下

先降復位主人詣香卓前降神祭則是日之禮本

為祭而設若先祭則降神後都無一事其所以先

降神者為祭故也祭則降神後有許多薦獻等禮

所以先祭而後降耳○集覽按下時祭條附註北

溪陳氏之說則此降神亦在祭神之下而丘議亦

然未知何也愚意大祭祀時奉主出置他所則不

可虛視必解而肅之故降神在後時祭補祭忌祭

是也若小祭祀時只就其處而神主不動則先降

後祭朔望及節祀是也又按設位而行祭則必先

降後祭祭始祖先是也據此則祭紙榜及墓祭先

親亦皆然擊蒙要訣粟谷先生李耳所編墓祭先

家禮

降後參似有此意但家禮本文先參後降恐難違也播笏焚香再拜以退立

執事者盥悅升開瓶實酒于注一人奉注諸主人

之右一人執盞盤詣主人之左主人跪執事者皆

跪主人受注斟酌也酒反注取盞盤奉之左執盤

右執盞酌于茅上酌酒說見下以盞盤授執事者

出笏俛伏興以退再拜降復位興在位者皆再拜

參神主人升播笏執注斟酒先正位次次命

長子斟諸祔位之卑者主婦升執茶笏以竹為之

調茶執事者執湯瓶隨之點茶饋前云蓋以神主

之物謂點茶者先置末茶於器中然後投以滾湯點以

是乃注湯于盞用茶筅點之耳古人飲茶用末所



冷水而用茶筴調之茶筴之制不見於書傳惟元  
謝宗可詩可見今人燒湯煎茶葉而此猶云點茶  
者存舊也或謂茶筴即  
蔡氏所謂茶匙非是如前命長婦或長女亦如

之子婦執事者先降復位主人出笏與主婦分立  
於香卓之前東西再拜降復位與在位者皆再拜  
辭神而退○冬至則祭始祖畢行禮如上儀○望

日不設酒不出主主人點茶長子佐之先降主人

立於香卓之南再拜乃降餘如上儀神辭神朱子問

用再拜瓊山用四拜退溪曰程子亦以為當再拜  
瓊山意未可知又問獻禮參則主人手自斟酒祭  
則執事斟之退溪曰恐無他意只是參無代神祭  
節文似畧故有斟為畫愛敬之心祭則有代神祭  
等許多自行節文足以畫愛敬之心故雖非自  
斟亦可耳○云退溪所答不朋恐非本意

準禮舅沒則姑老不預於祭

則謂傳家事於長婦

也

曲禮

七十曰老而傳註云傳家事於子也是

謂宗

子之父又玉制八十齊喪之事不及註云八

十不齊則不祭也子代之祭

傳則

嫡子嫡孫主祭如此則廟中神主都用改換

作嫡

子嫡孫名奉祀然父母猶在於心安乎朱子曰然此等也難行也且得躬親耳又曰在禮雖有

七十

祭祀不預之說然亦自期倘年至此必不敢不自親其事然自去年拜跪已難今春僅能立得

住

遂使又曰支子不祭

人代

拜又曰支子不祭

子夫婦為主人主婦其有母及諸父母兄嫂者則

設特位於前如此

設特

位於前如此

記原實錄

曰古以皂布三尺裹頭號頭巾三代皆

冠列品

黜者以皂絹裹髮亦為軍容之服後周武

帝依周三尺裁為幪頭至唐馬周交解為之用一

尺八寸左右三隅法三才重繫前脚法二儀唐會



要曰古事全幅皇向後幪髮俗謂之幪頭周武帝  
裁為四脚按穆宗朝帝好擊毬而宣喚不以時諸  
司供奉人急於應召始為硬裏紫于木圖之上以  
待倉卒五代梁高祖始布漆于紗施鐵為脚作今  
樣也筆談曰唐惟人主用硬脚晚唐方鎮擅命始  
僭用之宋朝有直脚等五等惟直脚貴賤通服也  
公服隋今之公服皆古之戎服本朝曰唐唐曰  
服後三品以上服紫五品以上服緋六品以下服  
綠皆戎服也至唐有三等服有朝服又有公服治  
事時着便是法服又有常持服便是今時公服也  
本註古公服是法服朱衣皂綠冠則三公用貂蟬  
御史帶靴服常短靴以黃皮為之後漸以長靴軍  
用通服之唐馬周以麻為之殺其勒加以靴踵開  
元中裴叔通以皮為之隱廩加以帶子裝束續事  
始曰古事胡服不許着入笏註見進士事曰周  
嚴省至馬周加飾乃許之  
諸侯貢賢于天子升之太學曰造士太樂正論造  
士之秀者以告于王以升諸司馬曰進士隋大業

中始置則幞頭襴衫帶事物紀原唐志曰馬周以三代布深衣著襴及裾名

襴衫以為上士之服今舉子所衣者謂會衣與裳連曰襴俗作幘處士杜處士也

猶女未嫁曰處女也也林逋賜號和靖之類也蓋以別於常人之無官者

故其服則幞頭皐色黑衫帶無官者通用帽子上古

衣毛帽皮則帽名之始也或云義取覆其首本纓

也古者冠下有纓以繒為之後世施幘于冠曰纓

纓為帽上下通服之歷代衫帶又不能具則或深

衣或涼衫以黥衣象之謂之涼衫亦古遺法也儀

禮曰朝服加景但不知古人制度何如耳有官

者亦通服帽子以下但不為盛服朱曰與叔榮

襴袖標飾也撰衣緣也為士人上服開髀腰

骨也者名缺髀衫度人服之即今四袴衫也

以古玄服乃作



大袖卑衽亦怪不著公服○問士祭服朱子曰

應舉者用欄衽襟頭不應舉者用皂衽襟頭帽子

亦可○龍衽曰襟頭非當時有官者服家禮之用

襟頭亦此意也○臨齋曰有官則公服帶笏無公

服則黑團領紗帽品帶無官者黑團領黑帶婦

人則大長裙○果合云團領或紅直領亦可婦

人則假髻條時髻下大衣婦服諸翟唐則裙襦大

袖為禮衣開元中婦見舅姑戴步搖挿翠釵今大

衣之制蓋起于此實錄大袖在背子下身與衽齊

而袖大以為禮長裙十二破名仙裙今大衣中有

眼疑即此也

之隋女在室者冠子冕而婦人之首歸服無文至

制也

周始有不過副笄而已漢宮掖承恩者始賜碧或

緋美蓉冠子則自漢始矣古今註云魏文帝時起

背子其制袖短于衽身與衽齊而大袖今又長與

裙齊而袖纔寬于衽半臂註實錄曰隋大業中內

臂今背子也江湖之間或曰綽子士人競服隋制也今俗名搭獲○  
 雖婦人亦無之士大夫常居常服紗帽卑衫革帶無此則不敢出背子起殊未久問婦人不著背子則何服曰大衣問大衣非命婦亦可服否曰可憫舉胡德輝雜志云背子本婢妾之服以其行直主母之背故名背子後來習俗相承遂為男女辨貴賤之服曰然然常見前革雜說中載上御便殿著紗帽背子則國初已衆妾假髻背子制冠服與前  
 有背子矣皆不可曉  
 代異非惟不宜於俗且不得其制今擬有官者宜服烏紗帽盤領袍革帶且靴生負服儒巾襴衫絲條皂靴無官者平定巾直領衣絲條靴或履或深衣幅巾命婦假髻服時帶非命婦假髻服時  
 製衣裙之新潔者

**楊氏**復曰先生云元旦歲首則在官者有朝謁之

禮恐不得專精於祭事其鄉里却止於除夕前



語類  
問先生除  
夜有祭否  
曰無

祭○**儀節**按除夕自有除夕之禮履端之祭隔年行之恐亦未安今朝廷於元旦行大朝賀禮

而孟春時享亦於別日行之今擬有官者以次日行事○**出**答人書云自十三至望日連有

忌故數處上塚皆以十一二日行之云云疑是秋久祭也又曰滌念八九日為忌日故六七日

有展墓事云云疑是正朝祭也○龍峯曰此所謂有故使人何得前其日行事恐不可也

瑋曰司馬溫公註影堂雜儀凡月朔則執

具茶酒常食數品

主人以下皆盛服男女左右叙立如常儀主人

晉劉氏問蔡謨  
人祠有版版為

用當主為是神座之榜題謨荅今代有祠版才  
乃始禮之奉廟主也主亦有題今版書名號亦

是題主之意安昌公荀氏祠制神版皆正長尺一寸博四寸五分厚五寸八分大書某祖考某

封之神座夫人某氏之神座以下置於位焚香皆然書訖蠟油炙令入理司拭之

主人以下俱再拜執事者斟祖考前茶酒以授

主人主人搢笏跪酌茶酒執笏俛伏興率男女

俱再拜次酌祖妣以下皆遍納祠版出徹月望

不設食不出祠版餘如朔儀影堂門無事常閉

每朝子孫詣影堂前唱喏漢書兩手垂下作揖

之狀○金河曰喏音若唱喏揖也○會成揖

也宋人記虜庭事實云虜揖不作聲若曰啞揖

契丹之人手於胸前亦不作聲是謂相揖宋人以為怪即宋以前人中國之揖作聲可知今日承元之後揖不作聲久矣而其名唱喏猶存獨



官府升堂公座自與排衙引出外歸亦然若出聲稱揖豈非唱之謂歟


外再宿以上歸則入影堂再拜將遠適及還官  
凡大事則盥手焚香以其事告退各再拜有時  
新之物則先薦于影堂忌日則去華飾之服薦  
酒食如月朔不飲酒不食肉思慕如居喪禮君  
子有終身之喪忌日之謂也舊儀不見客受吊  
於禮無之今不取遇水火盜賊則先救先公遺  
文次祠版次影然後救家財

或問朔望之叅必設酒果而主人或有疾或遠  
出又無代行者姑廢不設似合情禮世俗或令  
婢僕為之不敬如何且設酒果只為叅禮而起  
則子弟雖存不可無主人而擅入祠堂獨行參


擗如何退溪答曰朔望奠專為主入自展已思  
慕之誠而設有故使子弟猶可婢僕必不可俗  
節之祭亦然然此事今世或已他居者於墓祭  
茅事不得已有令婢僕代行者又使盡廢尤甚  
未安如何如何○**龍溪**曰若值高祖忌則祭畢  
行參禮曾祖以下則參禮畢行忌祭乃先祭始  
祖之義也○**呂東家**宗法朔望設酒三杯  
茶三盞時果三品唯正月朔薦薦及湯餅



圖之立叙衆家前續主出節俗日朔至正



望 日 不 出 主 圖




香  
案  
茅  
沙

或問今觀此圖諸丈夫既以西為上而諸兄立於主人之東有失兄弟之序故有少前之說然眾兄弟則兄在西弟在東不失其序而亦有少前少後之序何也按王制父之齒隨行兄之齒鴈行朋友不相踰註鴈行並行而稍後也此圖序立之位亦依此說也何以知之其曰有母則特位於主婦之前子孫外執事在主人之後者即此隨行也其曰少進少退者即此稍後也其曰外執事無兄弟之序者恐依此不相踰之序也



圖 服 盛 女 男

大表



靴




襪衫



幘頭




長裙



假髻




衫



帽子




背子



帶



公服



俗節則獻以時食

節如清明

三月三日寒食

五重午

端午也

五月五日

中

元

七月十五日也道經以正月十元為上元十月十五為下元

重陽

九月九日為陽數

之類凡鄉俗所尚者食如角黍

黍也

葉裹糯米五月五日

日祭汨羅糯米糰以象陰陽相包裹未分散

凡其節之所尚者薦以大

盤間以蔬果禮如正至朔日之儀

補入

元夕

夕○

晦齋

曰按世俗正月初寒食端午秋夕皆諸墓拜掃今不可偏廢是日晨詣祠堂薦食目詣墓所

奠拜若墓遠則前二三日詣墓所

○粟谷俗節謂

正月十五日

三月三日

五月

七月十五日

八月十五日

月五日

九月九日

六月十五日

七月十五日

八月十五日

九月十五日

十月十五日

若無俗尚之食則當具餅果數品如朔參之儀



**少儀**

未嘗不食新

註嘗者薦新物於寢廟也。未薦則孝子不忍先食。

**新**

必薦享後方可薦。數則讀必曰告朔而薦。云諸家禮皆云薦新用朔朔新如何得合。但有

**新**

即薦于廟。註輔氏曰薦後方食一飲食不敢忘父母。未薦而遽食新則是死其親而無其

**心**

也。○再三遇之奈何。退溪答曰隨地隨宜力所可薦而再三遇之奈何。退溪答曰隨地隨宜力所可

**及**

處當盡吾心。其不及處恐難一一守。一法為定規也。若膠守而不變則出遠方者不食新穀。飢而

**死**

矣。無乃不可乎。退溪居家若得節物或異味則或乾或鹽過節祀時祭則薦之。蓋先生支子也未

**得**

行薦新禮於家廟故也。○粟谷口有新物則薦須求朔望俗節并盡。若五穀可作飯者則當具饌

**數**

品同設。禮如朔參雖平日亦出主醑酒。若魚果之類及菽小麥等不可作飯者則於晨謁之時啓

**積**

而單獻焚香再拜。軍旅之物隨時即薦不必待朔望俗節。允新物未薦前不可先食。若在他鄉則

**不**

必然。○龍葵曰物有不可久者如不可留待朔望俗節則依几筵薦新之禮薦亦合。宜但小小不

**望**

俗節則依几筵薦新之禮薦亦合。宜但小小不

開新物則  
不須爾

問俗節之祭如何朱子曰韓魏公處得好謂之

節祠殺於正祭

時祭也魏公祭式祭物以時節所尚不設拊祭位

但七

月十五日用浮屠

釋典僧曰浮屠塔亦曰浮屠魏志云浮屠正號曰佛陀與

浮圖聲相近

設素饌祭其不用○又荅張南軒

名栻字敬

夫謚宣公

曰今日俗節古所無有故古人雖不祭而

情亦自安今人既以此為重至於是日必具饌

羞相宴樂而其節物亦各有宜故世俗之情至

於是日不能不思其祖考而復以其物享之雖

非禮之正然亦人情之不能已者且古人不祭



則不敢以宴況今於此俗節既已據經而廢祭  
而生者則飲食宴樂隨俗自如非事死如事生  
事亡如事存之意也又曰朔旦家廟用酒果望  
旦用茶重午中元九日之類皆名俗節大祭時  
每位用四味請出木主俗節小祭只就家廟止  
二味朔旦俗節酒止一上斟一盃○**楊氏**復曰  
時祭之外各目鄉俗之舊以其所尚之時所用  
之物奉以大盤陳於廟中而以告朔之禮奠焉  
則庶幾合乎隆殺之節而盡乎委曲之情可行  
於久遠而無疑矣

此段全用朱子答南軒  
書辭○**南軒**本書云云時祭

之外冬至祭始祖立春祭先祖季秋祭福義則  
精矣元日履端之祭亦當然也而所謂歲祭節  
祀亦有可親者其間如中元則甚無謂也此端  
出於釋氏之說何為徇俗至此乎朱子答云云  
至於元日履端之祭禮亦無文今亦只用此例  
大全○宋子又嘗言南軒廢俗節之祭某問於  
端午能不食粽乎重陽能不飲茱萸酒乎不祭  
而自享於政安乎語類○**朱子**曰行時祭則於  
俗節如何曰某家且兩存之童問莫簡於時祭  
否曰是要得不行須是自家亦不飲酒始得○  
**朱子**曰臘鼓湯焦鍵二月社薦社飯秋社同寒食薦  
子盤鼓湯焦鍵二月社薦社飯秋社同寒食薦  
稠錫冷粥蒸菜端午薦團餅七夕薦果食重陽  
薦茱萸糕遇新麥出設陽餅三分新米出設飯  
以三分作  
時味

### 有事則告

如正至朔日之儀但獻茶酒再拜訖主婦先降復



位主人立於香卓之南祝之六切祭主資詞者也

有事於高祖則不諱曾祖以下尊無二也王肅曰祝則名君不諱執版立於主人

之左跪讀之畢興主人再拜降復位餘并同儀節同上

朔參主婦點茶復位主人以下皆跪祝讀祝無祝則曰告辭揭祝文焚之留版無祝則否○告

授官祝版祝職救祝文黏於其上臨祭置于酒注卓紙書祝文

子上讀畢置于云維年歲月朔日孝子禮運祝以

案上香爐之左祭稱孝子孝孫喪稱哀子哀

孫註祭吉祭也卒哭以後為吉祭故祝稱孝子

孝孫自虞以前為凶祭故稱哀方氏曰祭所以進

養而盡於一身之終喪所以哭泣而止於三年孝

則為子孫終身之行故子孫之於祭也必稱孝哀

則裝於聲音見於衣服蓋三年之禮而已故子孫

之於喪只稱哀○以祭曰丘儀自初虞至禫其官

於先祖稱孝於已者稱哀此與雜記註不同其官

某敢

王禮註

昭

明也

告于故某親

顯考

此之類

本於高曾祖考地

上俱加皇字今本改作故字故

字近俗不如用顯字蓋皇與顯皆明也其義亦通

○

周禮祭

改皇字

某官封謚

謀行立號

以易名也

君

語類無爵曰府君夫人漢人碑已有只是尊神

之辭府君如官府之君或謂之明府今人亦謂

又為故某親某封某氏某以某月某日蒙恩授某

官奉承先訓獲沾祿位餘慶所及不勝感慕謹以

酒果用伸虔

恭也

告謹告貶降則言貶某官荒墜先

訓皇恐無地謹以後同若弟子則言某之某某

曰上某主人次

餘同

儀節

如只告祖則稱孫只告

某行第次某名 ○ 栗谷曰告及第則曰蒙恩授某科某第及第奉  
承先訓獲沾出身生進則曰獲陞國庫若介子孫



之事則主人亦告告畢當身進于兩階間再拜（當身拜時主人亦向立降復位與在位者辭神）

告追贈則只告所贈之龕別設香卓於龕前又設

一卓於其東置淨水盥盥刷子（刷盥刮切拭也）硯墨筆於

其上餘并同但祝版云奉某月某日制書（有司曰下）

制書一通以盤盛置香案上正中錄贈故某親某

官故某親某封（贈字上加字）某奉承先訓竊

位于朝（位于朝如外官則改竊）祗奉恩慶有此廢贈

祿不及養擢咽難勝謹以後同若曰事特贈則別

為文以叙其意告畢再拜主人進奉主置卓上執

事者洗去舊字別塗以粉俟乾命善書者改題所

家範

卷一

贈官封陷中不改洗水以洒祠堂之四壁主人奉

主置故處乃降復位後同孝男某焚香主人自告曰

顯考某官府君為某官妣某封某氏為某封敢請

神主改題奉祀再拜興請主題主儀如上奉主復

位降神如贈二代或三代則如時祭儀詣某考妣

神位前讀祝後主人以下跪祝東面立宣制書畢

興執事者奉所錄制書黃紙即香案前并祝文焚

之畢辟神祝辭上同窮祿于朝下云仰荷皇仁推

恩所生乃某月某日誥贈考為某官妣為某封惟

是音容日遠追養靡從祗奉命書且喜且悲敬錄

以焚益增哀謹以酒果用伸虔告謹告如受勅  
則改誥為勅祝文書舊銜○遷居告家廟文  
熹罪戾不天幼失所怙祗奉遺訓往依諸劉卜樊  
卜居亦既累歲時移事改存沒未安乃眷此鄉實  
亦祖考所嘗愛賞而欲卜居之地今既定宅敢伸  
虔告以安祖考之靈伏惟降鑑永奠厥居垂之子  
孫萬世無極○致仕告家廟文維慶元五年歲次  
己未六月辛酉朔孝孫某位熹敢曰時享昭告于



祖考之靈熹至愚不肖蒙被先世遺德獲祇祀事  
五十餘年歲時戰兢罔敢怠忽至于今茲行年七  
十襄病侵凌筋骸弛廢已蒙聖恩許令致仕所有  
家政當傳子孫而嗣子既止賴孤孫鑑次當承緒  
又以年幼未堪晚真今已定議屬之奉祀而使二  
子堃在相與佐之俟其成童加冠于首乃躬厥事  
異時朝廷察熹遺忠或有恩意亦令首及伏惟祖  
考雍佑顧韻永永止數熹不勝大願其諸家務亦  
當計度區處分屬堃等及諸孫息使有分職以守  
門戶尋別具告而施行之熹之衰病勢難支久如  
以恩靈尚延喘息之間猶當勉提終大綱不使  
荒頽以辱先訓伏惟祖考實鑑臨之謹告○焚黃  
文恭准先君天賦異質孝友之行足繼前修雅健  
之文追古作者爵壽不緜隕於半途施及後人叨  
被寵祿追榮七命始列從班而先夫人亦膺顯號  
厚德之報不其在茲並命帝庭璽封霍煥黃辭廢  
異視昔有加惟是音容日荒月遠生我勞瘁追養  
靡從抵奉命書舍爵以告涕泗摧咽不知所云尚  
饗○又熹賴遺訓竊祿于朝獲被慶恩追榮桶廟  
亦有年矣比以鈞黨廢錮憂畏過深以故及今始

克祗奉命書以告子寢廟惟我皇考洞視古今靡  
有遺情陟降如存尚克歆此丕顯休命顧嘉哀頹  
年迫告休使我皇考未躋極品而先夫人亦未克  
正小君之號流根之報無復後期永念及茲痛恨  
何極仰惟慈履俯鑑愚衷尚啓後人不日昌大嘉  
瞻望恩靈不勝感慕摧咽之至謹告○又日者天  
子始郊盼慶寓內熹以職秩得從大夫之後故我  
仁室錫號有加恭奉制書俯仰悼歎惟爾有靈尚  
克嘉之謹告○贈官告皇考文往歲天子用祀泰  
壇上帝降歆福祚昭答慶賜之澤覃及萬方中外  
幽明罔不咸賴謂嘉名秩有列內朝降以命書貴  
其稱廟顧念孤藐祿不逮親祗奉明恩益深哀慕  
茲用齊被致告寢庭欽惟神靈服此休顯熹雖不  
肖敢不敬恭惟孝惟忠無或荒墜嗣有廢賜尚克  
嘉之覆其後人近于永世○請告還鄉焚黃儀儀  
節補齋戒省牲設位陳器皆如時祭儀焚香請主  
曰今以子某列官于朝追贈考妣請告焚黃敢請  
神主出就正寢恭伸祭告○若仕者有父死則改  
云今某子某或弟某如告墓不用此節○讀祝畢  
宣制書餘同時祭儀獻後焚黃於香案前并祝文



焚之○曰祠堂章下雖有封贈皆許請告廟儀然止

一獻况今朝官三年推恩封贈皆許請告廟儀然止

奉恩命千里還鄉光榮父母而所行之禮止○主

於一獻無乃太簡乎今擬準時祭禮為之儀

人生嫡長子則滿月而見曰剪髮為髻男角女羈

否則男左女右是日也妻以子見於祖父父執子之

右手咳而名之○凡父在孫見於祖祖亦名之禮

如子見父無辭冢子未食而見必執其右手適子

庶子已食而見必循其首註未食已食急正後庶

之義○儀節主人生適長子則滿月而見如上儀

如上儀適孫亦如之生餘子則殺其儀

但不用祝主人立於香卓之前告曰某之婦某氏

以某月某日生子名某敢見告畢立於香卓東南

西向主婦抱子進立婦若子弟婦或於兩階之

間再拜主人乃降復位復位以子授乳母後同

設茶酒止若生餘子孫則不出主○冠昏則見本篇○凡言

祝版者用版長一尺高五寸儀節用木板一尺高五寸○

時立板則乃是高也亦是廣也非字之誤○讀祝

造禮器尺○按祝板非有法象稍高大

亦不妨太小則字以紙書文黏於其上畢則揭而

焚之曲禮祭服則焚之祭器則埋之註呂氏

埋陰也劉氏曰不焚不埋則移於他用無已讀於

神明哉集說焚祝自王璵始○韓魏公

祝文書于版祭訖焚之家貧無版其首尾皆如前

但於故高祖考故高祖妣自稱孝元孫儀節云宋

家禮稱元孫今悉改後玄於故曾祖考故曾祖



妣自稱孝曾孫於故祖考故祖妣自稱孝孫於故

考故妣自稱孝子有官封謚則皆稱之無則以生

時行第稱號加于府君之上妣曰某氏夫人儀節曰無

官者妣曰某氏夫人蓋婦人稱夫人猶男子之稱公也今制二品方封夫人宜如俗稱孺人允

自稱非宗子不言孝曾子問孔子曰宗子死稱名不言孝身沒而已註云但言

子某薦其常事疏曰不言介者宗子既死不得稱介也○禮記曰宗子死無後則庶子主宗者宜放

此禮而宗子喪畢當以庶子○告事之祝四代共

奉祀改題主傍不必用此禮為一版自稱以其最尊者為主止告正位不告祔

位祭酒則并設之禮記曰凡神主移安還安或奉遷他處等事則告祭用朔祭之

儀若廟中改排器物鋪陳或暫修兩漏處而不動神主之事則告祭用望祭之儀告詞則臨時製述

○備按家禮卷一  
○主藏諸祖廟註象為凶事而聚也以此推之可知其必告也

朱子曰焚黃唐上元三年前制勅皆用白紙多有蠹食自後并用黃紙

近世行之墓次不知於禮何據張魏公名浚廣漢縣竹

人所著有五經解贈謚止告于廟知為得體但咸之子南軒父

今世皆告墓恐未免隨俗耳○揚大復曰按先

生文集有焚黃祝文云告于家廟亦不云告墓

也朱子曰焚黃時若本無官方贈初品及贈到改服色處尋常人家做去焚然亦無義耳

郭陽湯氏鐸曰有祠堂則告祠堂無則告墓亦可又曰先讀祝後立宣誥命

或有水火盜賊則先救祠堂遷神主遺書次及祭器



然後及家財易世則改題主而遞遷之

改題遞遷

遷更代也自下升上曰遷

禮見喪禮大祥章大宗之

家始祖親盡則藏其主於墓所而大宗猶主其墓

田以奉其墓祭歲率宗人一祭之百世不改

語類

之祖只存墓祭云詳見下初祖祭註

其弟二世以下祖親盡及小宗

之家高祖親盡則遷其主而埋之其墓田則諸位

迭掌而歲率其子孫一祭之亦百世不改也

儀禮

有親盡之祖始為功臣而百世不遷者則代數外別立一龕祭之

**檀弓**

有焚其先人之室則三日哭故曰新宮火亦

三日哭

註先人之室宗廟也○火災者只祠廟火而室屋猶存則當題主

他本  
四代  
下有  
四代  
字

於家不當之墓所若并室屋蕩燼則寧從權而題  
主於墓所似或可矣慰安則可做虞禮而用素服  
行之似當云○後答人曰屋  
雖盡燒亦不當題主於墓云

或問而今士庶亦有始基之祖莫亦只祭得四

代以上則可不祭否朱子曰而今祭四代已為

僭

**禮類**

曰古時一代即有一廟其禮甚多今於  
禮制大段虧缺而士庶皆無廟但溫公禮祭

三代伊川祭自高祖始親其過要之  
既無廟又於禮殺缺祭四代亦無害古者官師

**朱子**曰諸亦只祭得二代若是始基之祖想亦  
有司之長

只存得墓祭

**晦齋**

曰程子言高祖有服不祭甚  
非文公家禮祭及高祖蓋亦本於

程子之禮也然禮大夫三廟士二廟無祭及高  
祖之文故朱子亦以祭高祖為僭且今國典

六品以上祭三代不可違也竊意高祖雖無廟  
亦不可全廢其祭春秋俗節率其子孫詣墓祭



之庶無違禮意而亦不至忘本也○願曰時祭則拘於國法止於曾祖墓祭忌祭則並及高祖可也五世祖墓寒食秋夕祭之可也六世祖以上只寒食祭之○楊復曰

此章云始祖親盡則藏其主於墓所喪禮大祥章亦云若有親盡之祖而其別子也則祝版云云告畢而遷于墓所不埋夫藏其主於墓所而不埋則墓所必有祠堂以奉墓祭

家禮源流卷之一

七十四

家禮源流卷之一



家禮源流卷之二

深衣制度

此章本在冠禮之後今以前章已有其文又平日之常服故次前章

**朱子**曰去古益遠其冠服制度僅存而可

見者獨有此耳然遠方士子亦所罕見往

往人自為制詭異不經近於服妖甚可歎

也昔漢達安中男子好為長衣而下甚短女子好為長裙而上甚短時荏州從事

莫嗣以為服妖後遂大亂

裁用白細布度用指尺

中指中節為寸

**儀節**

中指中節乃屈指節向內兩紋尖相距處即鍼經所謂同身寸

也裁制之際又當量人身長短廣狹為之庶與體稱

**司馬溫公**

曰凡尺寸皆當用周尺度之周尺一

尺當今省尺五寸五分弱

**楊氏**

復曰說文云

周制寸尺咫尋

也八寸為咫周尺八尺為尋

皆以人之體為

法

中指中節


伸指量寸法圖



丘文莊濬曰家禮裁深衣及裘服皆用中指中節為寸蓋以人身有長短指節人人殊與人身相為長短鍼經以之定俞穴無有差爽者况用以裁衣豈有不稱體也哉但世人往往昧於取法今取鍼經圖列于其上而以定法著之於下鍼經云中指第二節內度兩橫文相去為一寸



為屈指量寸法圖



又云中指中節橫文上下相去長短為一寸謂之同身寸註云若屈指即旁取指側中節上下兩文角相去遠近為一寸若伸指即正取指中自上節下橫文至中節中從上第二條橫文長者相去遠近為一寸與屈指之寸長短亦相合然人之身手指或有異者至于指文亦各不同更在詳度之也

衣全四幅其長過脇下屬於裳

用布二幅中屈下垂前後共為四幅如今之直領

衽但不裁破腋下其下過脇而屬於裳處約圍七

尺二寸每幅屬裳三幅補用布二幅長四尺四

除寸餘為腰縫及兩腋之餘縫長二尺一寸所以為衣之長幅廣二尺二寸四幅八尺八寸除負繩

之縫與領旁之屈積各寸及兩腋之餘前後各三寸許約圍七尺二寸所以為衣之廣也○**集覽**按

衣全四幅如今之直領衫但不裁破腋下俗所謂對襟是也儀節從白雲朱氏之說欲於身上加內

外兩襟左右掩其右今人又裁破腋下而縫合之綴小帶於右邊如世常服之衣非古制也○**儀節**用

布二幅布幅廣狹以一尺八寸為則中摺前後為四葉其在兩葉每葉長二尺六寸裁時從一邊

修起除去四寸留二尺二寸漸漸斜修至將近邊處不動此修起處留長四寸其在後兩葉每葉長

二尺三寸亦從一邊修起除去一寸留二尺二寸漸漸斜修至將近邊處不動此修起處留長一寸

又按家禮衣身長二尺二寸今前加四寸後加一寸者裁法也衣長當以過脇為準以定尺數而其

矣○**龜峯**曰衣長當以過脇為準以定尺數而其長即二尺二寸與幅廣正方蓋用布八尺八寸而

四疊之也今縫法除直繩二寸接袖前後四寸前襟左右各一寸半屈為邊者兩腋之餘前後左右

各二寸合殺一尺六寸而要圍七尺二寸也蓋布幅二尺二寸以削幅不用正用二尺也衣圍八尺



而八寸又外連袂故也又按古註兩腋之餘前後各三寸者通削幅一寸而為言也又曰裁衣時衣長二尺三寸而一寸為連裳時縫資可以回肘

裳交解十二幅上屬於衣其長及踝

用布六幅每幅裁為二幅一頭廣一頭狹狹頭當

廣頭之半以狹頭向上而連其縫以屬於衣其屬

衣處約圍七尺二寸每三幅屬衣一幅其下邊及

踝處約圍丈四尺四寸

寬頭比窄頭加一倍窄頭六寸則寬頭一尺二寸裁訖俱將窄頭向上寬頭向下連綴住一處

圓袂

用布二幅各中屈之如衣之長屬於衣之左右而

家範

縫合其下以為袂其本之廣如衣之長而漸圓殺

之以至袂口則其徑非謂圓三徑一之徑乃指一

尺二寸厚節用布二幅各長四尺四寸每幅中摺

却從腋下漸修成圓袖口留一尺二寸縫合

其下以為袂○補註云云兩腋之餘三寸屬以二

尺二寸幅之袖則二尺有五寸也內除衣袂屬處

合縫及袂口反屬各寸許則二尺二寸也蓋袂之

前後長四尺二寸廣二尺二寸如月

之半圓合左右袂如月之全圓也

**揚氏**

復曰左右袂各用布一幅屬於衣又按深

方領

衣篇云袂之長短半屈之及肘夫袂之長短以

反屈及肘為準則不以一幅為拘



兩襟相掩衽在腋下則兩領之會自方

補注

裁入三寸一說裁入反摺即剪去之別用布一條  
自項後摺轉向兩前綴兩襟上左右齊反摺之長表  
裡各二寸除反屈禮記所謂袷二寸是也○  
用布一條濶二寸為領如常衣法然後加緣其上  
又按近時人有斜入三寸裁領法臆說無據不可  
從且衣必有領而後緣可施信如其說則是有緣  
而無領矣王藻所謂袷二寸者果何物也況家禮  
制度本文既有方領又有黑緣其為二物亦明矣  
○儀節又云家禮不言袷尺度今宜如古禮用布  
濶二寸長如衣身為袷而加緣寸半於其上○  
○卷曰家禮則無袷只以黑緣二寸兼袷而用  
之蓋儉約也朱子大全亦然定非闕文也

### 曲裾

用布一幅如裳之長交解裁之如裳之制但以廣

頭向上布邊向外

朱子大全疊兩頭向上布邊不  
動但稍裁其內向內而綴之相

卷之三

皆綴於裳上之右旁以掩裳際右幅在下左幅在上布邊在外裁處在內左掩其右交

聯垂之如燕尾狀又稍裁其內旁太半之下令漸

如魚腹而末為鳥喙內向綴於裳之右旁禮記深

衣篇續衽鉤邊鄭註後漢書鄭玄字康成註者名篇續衽鉤邊鄭註義於經下若水之注物鉤

邊若今曲裾

**蔡氏**淵曰司馬所載方領與續衽鉤邊之制引

證雖詳而不得古意先生病之嘗以理玩經文

與身服之宜而得其說謂方領者只是衣領既

交自有如矩之象謂續衽鉤邊者只是連續

旁無前後幅之縫左右交鉤即為鉤邊非有



布一幅裁之如鉤而綴于裳旁也方領之說先生已修之家禮矣而續衽鉤邊則未及修焉

**楊氏**

復曰深衣制度惟續衽鉤邊一節難考按

禮記玉藻深衣疏皇氏

皇甫侃南朝宋人

熊氏

熊安生北朝齊

人孔氏

孔穎達唐人與顏師古受詔撰五經義訓百餘卷

三說皆不同

皇氏以喪服之衽廣頭在上深衣之衽廣頭在

下喪服與深衣二者相對為衽孔氏以衣下屬

幅而下裳上屬幅而上衣裳二者相對為衽此

其不同者一也皇氏以衽為裳之兩旁皆有孔

氏以衽為裳之一邊所有此其不同者二也皇

復池  
本在  
後

氏所謂廣頭在上為喪服之衽者熊氏又以此  
為齊祭服之衽一以為吉服之衽一以為凶服  
之衽此其不同者三也家禮以深衣續衽之制  
兩廣頭向上似與皇氏喪服之衽熊氏齊祭服  
之衽相類此為可疑是以先生晚歲所服深衣  
去家禮舊說曲裾之制而不用盖有深意恨未  
得聞其說之詳也及得蔡淵所聞始知先師所  
以去舊說曲裾之意復又取禮記深衣篇熟讀  
之始知鄭康成註續衽二字文義甚明特疏家  
亂之耳按鄭註曰續猶屬也衽在裳旁者也屬



連之不殊裳前後也鄭註之意蓋謂凡裳前三幅後四幅夫既分前後則其旁兩幅分開而不相屬惟深衣裳十二幅交裂裁之皆名為衽見玉藻衽當旁註所謂續衽者指在裳旁兩幅言之謂屬連裳旁兩幅不殊裳前後也疏家不詳考其文義但見衽在裳旁一句意謂別用布一幅裁之如鉤而垂於裳旁妄生穿鑿

得直通而不

旁穿曲鑿之意

紛紛異同愈多愈亂自漢至今二千餘

年讀者皆求之於別用一幅布之中而註之本義為其掩蓋而不可見夫疏所以釋註也今推

家禮疏義卷二

尋鄭註本文其意如此而皇氏熊氏等所釋其  
謬如彼皆可以一掃而去之矣先師晚歲知疏  
家之失而未及修定愚故著鄭註於家禮深衣  
曲裾之下以破疏家之謬且以見先師晚歲已  
定之說云○**劉氏**璋曰深衣之制用白細布鍛  
濯灰治使之和熟其人肥大則布幅隨而闊瘦  
細則幅隨而狹不必拘於尺寸裳十二幅以應  
十有二月袂圓應規袂袖口也曲袷如矩應方  
曲袷者交領也負繩及踝應直負繩謂背後縫  
上下相當而取直如繩之正非謂用縫為負繩



也蹠足跟也及蹠者裳止其足取長無被土之

義下齊如權衡應平裳下曰齊音齊緝也取齊

如平若衡而無低昂參差也規矩繩權衡五法

已施故聖人服之先王貴之可以為文可以為

武可以擯相可以治軍據自士以上深衣為之

次庶人吉服深衣而已夫事尊者蓋以多歸為

孝具大父母衣純音牽以續胡對切純緣也續畫也

畫五采以為文相次而畫後人有以織錦為純

以代續文者具父母衣純以青孤子呂氏曰二十以下無

父者可以稱孤若三十以上純以素今用黑繒

以從簡易也

黑緣

去聲

緣用黑繒領表裏各二寸袂口裳邊表裏各一寸

半袂口布外別此緣之廣

**儀**即用皂絹為之領及

半領及裳邊內外則夾縫在本布上袂口則綴連

布之外一即所謂袂口布外別此緣之廣也又按家

禮領緣用二寸袂口裳邊用寸半今不然者考禮

記至藻袷二寸緣廣寸半不分領與裳袷則皆寸

半矣今徽領亦用寸半與裳袷同俾必露領也否

則

是袷為虛設矣又按朱子亦只謂衣領既交有

如

矩之象未嘗謂緣即領也○**小**按深衣純

以

續註曰各廣一寸半袷則廣二寸丘氏何考之

不

詳而

云云耶



圖後衣深



圖前衣深




圖邊鉤社續衣深 圖掩相襟兩前衣深着



裁衣前法 裁衣後法



曲裾裁制 曲裾縫制 曲裾成制



闊一尺四寸 除兩旁各一寸縫外實用一尺二寸

闊一尺四寸 闊八寸


除兩旁各一寸縫外實用六寸



# 大帶

帶用白繒廣四寸夾縫之其長圍腰而結於前再  
 繚之為兩耳乃垂其餘為紳下與裳齊以黑繒飾  
 其紳復以五采條何氏曰組用青小條為之廣三分約其相結  
 之處長與紳齊儀即或用布其圓腰處不緣○  
 各寸半○補註古者深衣不綴小帶當腰中惟束  
 以大帶而已○深衣陳註朱子深衣帶彷彿玉藻  
 之文但算復異耳丘氏合  
 算用之說見下玉藻註

## 大帶圖



緇冠

糊也紙為之武

冠卷也西禮註陳氏曰文者上之道武者下之道足在體之下曰武

卷在冠之下亦曰武

高寸許廣三寸衰四寸

東面曰廣上為南面曰衰

為

五梁廣如武之衰而長八寸跨頂前後下著於武

屈其兩端各半寸自外向內而黑漆之武之兩旁

半寸之上竅

以受筭筭用齒骨凡白物

一長條

其長一尺四寸許其高寸許圍以為武圍之兩旁各廣三寸前後各長四寸又用一長條廣八寸許

長八寸許上襷積以為五梁則廣四寸縫皆向左

○大全前長三寸著於武外及屈其兩端各半寸內廣四寸長八寸或用烏紗加漆為之筭用白骨或象牙

為之又按深衣篇無有冠制而緇布冠古用為始加之服然亦冠而散之非常服也至宋溫公始服





幅巾

用黑繒六尺許中屈之右邊就屈處為橫幘左邊

反屈之自幘

同

左四五寸間斜縫向左圓曲而下

遂循左邊至于兩末復反所縫餘繒使之向裏以

幘當額前裏之至兩鬢旁各綴一帶廣二寸長二

尺自巾外過項後相結而垂之

許當用皂綰六尺

葉就右邊

屈處

摺住小橫

幘子

又翻轉

後幘子

左

于兩末又將翻轉

使所縫餘

綰緝

藏

在裏却

以幘

子

當額前

裏之於對兩耳

子也取右邊

屈處

用指提

起少許

摺向

右又提

起

少許

摺向

為幘子○或曰補註云與衰裳幘子

少異者衰裳

幘子則屈其

兩邊相摺

在上幅巾

幘子則屈其

兩

邊

相摺



巾 幅






圖 巾 作 鋪 平




朱子大全圖

邊相撲在裏也○  
 無巾巾只以暑尊罍果瓜之用不加於首也至漢  
 去罪人冠而加以黑幪所謂巾幪者特為庖人賤  
 者之服士大夫以為首服替始見于郭林宗折角  
 巾此後晉人又有接羅白葛巾等巾於是始大着  
 矣幅巾固非古制然世承用已久姑書于此使有  
 所考云○  
 頭巾之說見上幪頭下與丘說有異

之

圖

斜縫向左綴帶圖



裏頭垂帶圖



朱子大全用黑繒六尺許  
刺一邊作巾額當中作帆  
兩旁三寸許各綴一帶廣  
二寸許長二尺許循帆中  
上反屈之當幅之中斜縫  
向後去其一角而復反之  
使巾頂正圓乃以額帆當  
頭前向後圍裹而繫其帶  
於腦後餘者垂之

黑履

白紬纔純綦

紬音勑纔於力反純音準綦音忌○  
纔是牙底相接之縫纔條其中紬是履頭以條為  
鼻純以條為口緣○

云繫于踵則綦當屬于跟後以兩端向前與紬相  
連于脚跗踵足之上合結之名為繫于踵也○

云繫于踵則綦當屬于跟後以兩端向前與紬相  
連于脚跗踵足之上合結之名為繫于踵也○



**一**曰綦鞋口帶也古人皆旋繫今人只從簡易綴之於上如假帶然

**劉氏**按孫曰履之有絢謂履頭以絛為鼻或用

繒一寸屈之為絢所以受繫穿貫者也繒謂履

縫中糾暗也以白絛為下緣故謂之繒純者歸

也綦屬於跟所以繫履者也自註云黑履白絛

單下曰履周禮履有五色近世惟赤黑二色白貴而黑賤今用黑履白絛亦從其下○曰

按禮黑履當作白履為是用白布作履如世俗

所謂鞋者而稍寬大既成用皂絛條一條約長

尺三四寸許當中交屈之以其屈處綴履頭近

底處立起出履頭一二寸歧為二復綴其餘絛


於履面上雙交如舊古所畫者分其兩稍綴履

口兩邊緣處是之謂絢於牙底相接處用一細

絛條周圍綴於縫我用反中是之謂繒又於履

口納足處周圍皆緣以皂綰廣一寸是之謂純

# 黑履圖



又於履後跟綴二皂帶以繫之如世俗鞋帶是之謂綦如黑履則用皂布為之而以白或青為絢縹純綦又按黑履註下云白絢縹純綦而卷首皆下註則云深衣用白絢蓋以履順裳色一儀禮疏履順裳色玄端黑履深衣裳既用白則履亦合用白矣又禮黑履以青為絢縹純白履以黑為絢縹純深衣用白履則當用黑色為飾若黑履又當以青為飾不用白也

丘文莊曰舊圖鵬突今考證儀禮等書別為圖

有虞氏深衣而養老

則曰庶人服短褐深衣則自天子至于庶人皆

深衣之其意



古者深衣蓋有制度以應規矩繩權衡短母

見膚長母被土續衽鉤邊要聲縫半下朝服祭服喪服

皆衣與裳殊惟深衣不殊則其被於體也深衣故

名深衣制同而名異者有四焉純之以絲曰深衣

純之以素曰長衣純之以布曰麻衣著在朝服祭

服之內曰中衣○續衽鉤邊說見上○要縫

七尺二寸是比下齊之一丈四尺四格各之高下

寸為半之也至藻云縫齊倍要是也

可以運肘袂之長短反詘屈之及肘帶下母厭於

反髀上母厭脅許切當無骨者接當腋下縫合處

也運回轉也至藻云袂可以回肘是也肘臂中曲

節袂袖也格之高下與衣身齊二尺二寸古者布

幅亦二尺二寸而深衣裁身用布八尺一寸中屈

而四疊之則正方袖本齊之而漸圓殺以至袂則

廣一尺二寸故下文云袂圓應規也衣四幅而要

縫七尺二寸又除負繩之縫與領旁之屈積各寸

則兩腋之餘前後各三寸許續以二尺二寸幅之  
 袖則二尺有五寸也然周尺二尺五寸不滿今舊  
 尺二尺僅足齊手無餘可反屈也曰反屈及肘則  
 接袖初不以一幅為拘矣凡經言短毋見膚長毋  
 袂土及袷可運時袂反及肘皆以人身為度而不  
 言尺寸者良以尺度布幅有古今之異而人身亦  
 有大小長短之殊故也朱子云度用指尺各自與  
 身相稱矣深衣之帶下不可厭髀骨上不可當脅  
 骨惟當其間無骨之處也然此不言帶之制玉藻  
 云士練帶章下辟等皆言朝祭服之帶也朱子深  
 衣帶蓋亦彷彿玉藻制十有二幅以應十有二月  
 之文但禪複異耳

袂圓以應規曲袷如矩以應方負繩及踝胡尾

以應直下齊咨如權衡以應平袷交領也衣領既

衣之背縫及裳之中縫上下相接如繩之直故

云負繩也下齊裳未緝處也欲其齊如衡之平故  
 規者行舉手以為容負繩抱方者以直其政方其



易曰坤六二之動直以方也下齊如推

以安志而平心也五法已施故聖人服之故規

矩取其無私繩取其直權衡取其平故先王貴之

故可以為文可以為武可以損相可以治軍旅完

且不費善衣之次也疏曰所以袂圍中規者欲使

抱方領之方也以直其故解負繩以方其義解抱

方也○曰深衣之用上下不嫌同名吉凶不

嫌同制男女不嫌同服諸侯朝朝服夕深衣大夫

士朝玄端夕深衣庶人吉服深衣而己此上下同

也有虞氏深衣而養老將軍文子除喪受吊練冠

深衣親迎女在道而婿之父母死深衣縞總以起

喪此吉凶男女之同也蓋簡便之服非朝祭皆可

服之也○曰十二幅應十二月者仰觀於天

也直其政方其義者俯察於地也格之高下可以

運肘者近取諸身也應規矩繩權衡者遠取諸物

也其制度固已深矣然端冕則有敬色所以為文  
 介冑則有不可辱之色所以為武端冕不可以為  
 武介冑不可以為文魚之者惟深衣而已玉藻曰  
 夕深衣深衣燕居之服也端冕雖所以修禮容亦  
 有時而燕處則深衣可以為文矣介冑雖所以臨  
 戎事亦有時而燕處則深衣可以為武矣雖可為  
 文非若端冕可以視朝臨祭特可贊禮而為擯相  
 而已雖可為武非若介冑可以臨衝特可運籌以  
 治軍旅而已制有五法故曰完其質則布其色則  
 白故曰不費言服以朝祭為上燕衣則居其次焉  
 故曰善衣具父母大泰父母衣純準以續會具父  
 之次也

母衣純以青如孤子衣純以素純袂緣去純邊廣

去各寸半繪盡文也純衣之緣也袂緣緣袖口也

廣二寸也純邊緣襟商及下也各廣一寸半袷則

深衣三祛縫平齊倍要聲衽當旁袂可



以回肘 祛袖口也 尺二寸圍之為二尺四寸要之

祛齊者 裳之下畔要為裳之上畔縫齊倍要者謂

縫下畔之廣一丈四尺四寸是倍要之七尺二寸

也祛裳交接之處也在身之兩旁故云祛當旁袂

袖之連衣者也上下之廣二尺二寸肘長尺二寸

故可以袷 袷初二寸祛尺二寸緣廣寸半袷曲領也

回肘也 袷初二寸祛尺二寸緣廣寸半袷曲領也

○ 袷初二寸祛尺二寸緣廣寸半袷曲領也

尺二寸豈可運肘即知目人身而古人身材只用一

而袷曰古者衣裳異制惟深衣之制衣與裳連

袷服不殊自天子至於庶人之通服也去古日遠

袷服不可復見已幸而遺制尚畧見於禮記之

三藻而其義則詳著於深衣之篇後之君子猶

得以推求其制度於簡編之中溫公始倣古製

深衣以為燕居服而文公先生亦服之紹興間

三晉著深衣制度家禮頗采用之其後趙汝梅

有說牟仲襄有刊誤馮公亮有考證近世朱伯

賢又有深衣考義與家禮不盡合今一祖家禮

急用附註之說而折衷於古禮且文以淺近之

言云○又曰朱子語錄讀書先文勢而後義理  
今以深衣章文勢觀之則所謂制十有二幅以  
應十有二月一句似通一衣而言也若專以為  
裳不應列於袂袷之上蓋上衣下裳效法天地  
不應顛倒易置如此况其下文先言袂次袷次  
負繩而後及於齊亦自有次第可見然自漢以  
來先儒皆以為裳豈敢一旦臆決以為必然姑  
書所見以俟○又曰按白雲朱氏曰袷文曰  
袷註交袷為襟爾雅衣皆為襟通作袷正義云  
深衣外袷之邊有緣則深衣有袷明矣宜用布  
一幅交解裁之上尖下濶內連衣為六幅下屬  
於裳云藻曰深衣袷當旁王氏謂袷下施袷趙  
氏謂上六幅皆是也又曰續袷約邊謂邊也  
縫也袷下若今之貼邊經曰續袷鉤邊正以鉤邊  
續於袷也後人不察至有無袷之衣朱氏此說  
與家禮不合蓋欲於衣身上加內外兩袷如世  
常服之衣別裁直布鉤而續之袷下以為續袷  
鉤邊如此則便於穿著但以非家禮本制不韋  
從姑存以備一說○又按深衣制度乃溫公據



深衣篇所新製非古相傳者也愚於考證疑其  
裳制於深衣篇文勢不倫固已著其說矣後又  
得吳興教緇公說謂衣六幅裳六幅通十二幅  
吳草廬亦云裳以六幅布裁為十二幅不可言  
十二幅又但言裳之幅而不言衣之幅尤不可  
良以教說為是蓋衣裳各六幅象一歲十二月  
之六陰六陽也愚曰叅以白雲朱氏之說衣身  
用布一疑三幅袖用一疑二幅別用一幅布裁  
領又用一幅交解裁兩片為內外衿綴連衣身  
則衣為六幅矣裳用布六幅裁十二片綴連衣  
如舊式前四片綴連外衿二片連內襟上衣下  
裳通為十二幅則於深衣本章文勢順矣舊制  
無襟故領微直而不方今以領之兩端各綴內  
外襟上穿着之際右襟之末斜交於左脇左襟  
之末斜交於右脇自然兩領交會方如矩矣或  
謂衣連裳不殊通一幅布為之如此則無要矣  
王藻所謂倍要者何也○**龍峯**曰衣前後四幅  
袂左右二幅裳六幅通為十二幅恐或如是也  
家禮亦曰衣四幅  
袂二幅裳六幅



天子素帶朱裡終辟皮純同諸侯素帶終辟

大夫素帶辟垂大夫之帶惟緣其兩耳及垂下之紳腰後不緣士練帶率

綽惟緣其紳腰下辟及兩耳不緣居士錦帶居士道藝處士第

子縞帶用生絹示質也并紐帶之交結約用組三寸其廣也長

齊與紳齊也紳長制士三尺有司二尺有五寸三尺

者自腰而下為補也言士舉卑以見尊也有司欲便於趨走子游曰參分帶下

紳居二焉紳韞結組三齊人長八尺自腰而下四尺五寸分為三分而紳

居二故三尺也紳韞結皆長三尺故曰三齊大夫帶四寸廣之雜帶君

朱綠大夫玄華黃士緇辟二寸再繅四寸雜帶以雜色為

辟緣也大夫以上帶廣四寸士帶廣惟二寸而再繞腰一匝則亦是四寸矣凡帶有寧



律無箴功九帶當章縵之虞箴線細密不見用箴之功○

用之而縵緝其兩邊故謂之縵  
**家禮**註夾縫之合如禮單用為是

**士冠禮**履夏用葛玄端黑履冠履同色青約纁純純博

寸冬皮履可也

**郊特牲**始冠之緇布緇布三十升布升八十縷之冠也大古冠

布齊側皆及則緇之其縷如追反也孔子曰吾未之聞

也冠而弊之可也古緇冠不用筭用類以圍髮際而結於項中曰綴之以固冠耳

不聞有垂下之縷後世不忘古始冠暫用之既畢則弊棄之可矣

**玉藻**緇布冠自諸侯下達

**溫公**作深衣冠簪幅巾紳帶每出朝服乘馬用皮匣貯深衣隨其後入獨樂園則衣之謂康節

曰先生可衣此乎康節曰某為今人當服今人之服溫公歎其言合理○**深衣**曰深衣虞布但而今虞布亦未依法當先有事其縷無事其布方未經布時先研其縷非織了後研也衣服當適於體康節向溫公說某今人者今之服亦未是○**深衣**曰三代時衣服之制其可考見者雖不一然除冕服之外惟深衣其用最廣自天子至於庶人皆可服之蓋深衣者聖賢之法服也裁製縫衽動合禮法故賤者可服貴者亦可服朝廷可服燕私亦可服天子服之以養老諸侯服之以賓祭蓋亦未嘗有等級也古人衣服之制不復存獨深衣則戴記言之甚備然其制雖具存而後世苟有服之者非以詭異貽譏則以懦緩取哂雖康節大賢亦有今人不敢服古衣之說司馬溫公必居獨樂園而後服之呂榮公朱文公必休致而後服之然則三君子當居官莅職見用於世之時亦不敢服此以取駭於俗觀也蓋例以物外高人之野服視之矣可勝慨哉○**深衣**曰按馬氏此言則深衣之在宋



服之者固已鮮矣况今又數百年後哉幸而文  
公之道大明于今世家禮為人家日用不可無  
之書居官莅職者固當遵時制若夫隱居不仕  
及致政家居者人宜依古製為一襲生以為祭  
燕之服死以為襲斂之具豈非復古之一端也  
我然家禮本書儀其言頗畧其制不盡備今考  
經史諸說以為深衣考證俾考古者有所折衷  
云○又按勉齋作文公行狀云先生未明而起  
深衣幅巾方履拜家廟及先聖及觀考亭石刻  
遺像則其服乃上衣下裳之制而其中亦非幅  
巾高而便虛而明兩脚下垂冠形外見僅足容  
髮亦比緇冠而小甚疑之遇博古者輒訪之  
無有知者及觀大全集載其晚年所住客位榜  
有云遵用舊章故事以野服從事然上表下裳  
大帶方履自不為簡其兩便者但取束帶足以  
為禮解帶足以燕居然後知畫像之服乃晚年  
致仕之野服非深衣也求其制度不可得後於  
羅氏玉露中得其衣之制度乃上衣下裳用黃  
白青皆可直領兩帶結之如道服長與膝齊裳  
必用黃中及兩旁皆四幅頭帶皆用其一色取

黃裳之義也別以白絹為大帶兩旁皆以青或  
皂緣之謂之野服又謂之便服唯巾冠之制不  
可考姑附于此以俟知者

家禮源流卷之二



家禮源流卷之三

司馬氏居家雜儀

此章本在昏禮之後今按此乃家居平日之事所以正倫理篤恩愛者其本皆在於此必能行此然後其儀章度數有可觀焉不然則節文雖具而本實無取君子所不貴也故亦列於首篇使覽者知所先焉

凡為家長必謹守禮法以御羣子弟及家衆分之以

職

謂使之掌倉廩

謂倉藏也

月令

廩

廩

廩

業田園之類授之以事謂朝夕所幹及非常之事而

責其成功制財用

集說凡理財先輸貢賦後及家事

之節量

韻會呂張切

入以為出補家之有無以給上下之衣食及吉凶之

費皆有品節而莫不均一裁省冗

韻會乳勇切雜也

費禁止

奢華常須稍存贏餘以備不虞

補此節言家長御羣子弟及家衆之事

凡諸卑幼事無大小毋得專行必咨稟於家長易曰

家人有嚴君焉父母之謂也安有嚴君在上而其下

敢直行自恣不顧者乎雖非父母當時為家長者亦

當咨稟而行之則號令出於一人家政始可得而治

矣

此節言卑幼事家長之道

凡為子為婦者毋得蓄

韻會勅六切

私財俸祿及田宅所



入盡歸之父母舅姑當用則請而用之不敢私假不

敢私與

內則閨門之內曰子婦無私貨無私蓄無私

器不敢私假不敢私與婦或賜之飲食衣服布帛佩

帨蒞蘭則受而獻諸舅姑舅姑受之則喜如新受賜

若反賜之則辭不得命如更受賜藏之以待之鄭康

成曰待舅姑之乏也不得命者不見許也又曰婦若

有私親兄弟將與之則必復請其故賜而後與之夫

人子之身父母之身也身且不敢自有况敢有財帛

乎若父子異財互相假借則是有子富而父母貧者

父母飢而子飽者賈誼所謂借父耰鋤慮有德色

色也謂其容母取箕箒立而諄音翠責讓也又音碎告也

語不孝不義孰甚於此小學言父子之親

凡子事父母孫事祖父母同婦事舅姑孫婦亦同天

欲明威起盟音管洗手漱韻會先葵擲阻瑟切梳頭

也總所以束髮今之頭巾冠禮見具冠帶丈夫帽子衽

帶婦人冠子背子昧韻會莫佩爽韻會所兩謂天明

暗相交之際適父母舅姑之所省問丈夫唱喏婦人

道萬福仍問侍者夜來安否何如侍者曰安乃退其

或不安節則侍者以告此即禮之最省也父母舅姑

起子供藥物藥物乃關身之切務人子當親自檢較



調羹供進不可但委婢僕脫若有誤即其禍不測婦

具晨羞俗謂點心易曰在中饋詩云雉酒食是議凡

烹調飲膳婦人之職也近年婦女驕倨皆不肯入庖

厨今縱不親執刀匕亦當檢校監視務令精潔供具

畢乃退各從其事將食婦請所欲於家長謂父母舅

姑或當時家長也卑幼各不得恣所欲退具而供之

尊長舉筋

韻會本作箸遲據切

子婦乃各退就食丈夫婦人各

設食於他所依長幼而坐其飲食必均一幼子又食

於他所亦依長幼席地而坐男坐於左女坐於右及

夕食亦如之既夜父母舅姑將寢則安置而退丈夫

唱嗟婦女道安置此即禮之昏定也居閑無事則侍

於父母舅姑之所容貌必恭執事必謹言語應對必

下氣怡聲出入起居必謹扶衛之不敢涕唾

韻會吐  
則切口

也喧呼於父母舅姑之側父母舅姑不命之坐不敢

坐不命之退不敢退

凡子受父母之命必籍

韻會  
昔切

記而佩之

小學註謂  
服於身

時省而速行之事畢則返命焉或所命有不可行者

則和色柔聲具是非利害而白之待父母之許然後

改之若不許苟於事無大害者亦當曲從若以父母

之命為非而直行已志雖所執皆是猶為不順之子



况未必是乎

凡父母有過下氣怡色柔聲以諫諫若不入起敬起  
孝悅則復諫不悅與其得罪於鄉黨州閭寧熟諫父  
母怒不悅而撻之流血不敢疾怨起敬起孝

**楊氏**

復曰父母有過下氣怡聲以諫所謂幾諫也

父母怒而撻之猶不敢怨况下於此者乎諫不入  
起敬起孝諫而怒亦起敬起孝敬孝之外豈容有  
他念哉是說也聖人著之論語矣

凡為人子弟者不敢以貴富加於父兄宗族加謂特  
其富貴不牽卑幼之禮

凡為人子者出必告反必面有賓客不敢坐於正廳  
有賓客坐於書院無書院則坐於廳之旁側升降不

敢由東階上下馬不敢當廳凡事不敢自擬於其父

**楊氏**復曰告工毒反告與面同反言面者從外來

宜知親之顏色安否為人親者無一念而忘其子

故有倚閭倚門之望為人子者無一念而忘其親

故有出告反面之禮生則出告反面沒則告行飲

至事亡如事存也

飲至左傳註告至子廟而飲酒

凡父母舅姑有疾子婦無故不離側親調

**韻會**田聊切和也

嘗藥

**韻會**藥餌仍吏切

而供之父母有疾子色不滿容



不戲笑不宴遊舍置餘事專以迎醫檢方合藥為務  
疾已復初

**顏氏家訓**

曰父母有疾子拜醫以求藥蓋

以醫者親之存亡所係豈可傲忽也

**小學**

註攻疾之  
物曰藥可以服

**食日餌**  
北朝人作家訓

凡子事父母父母所愛亦當愛之所敬亦當敬之至  
於犬馬盡然而況於人乎

**揚氏復**

曰孝子愛敬之心無所不至故父母之所

愛敬者雖犬馬之賤亦愛敬之況人乎哉故舉其  
尤者言之若兄若弟吾父母之所愛也吾其可以  
不愛乎若薄之是薄吾父母也若親若賢吾父母

之所敬也吾其可不敬之乎若嫚之是嫚吾父母也推類而長莫不皆然若晉武惠馮統之諛不忌太后之言而踈齊王攸唐高宗溺武氏之寵不念太宗顧託之命而殺長孫無忌皆禮經之罪人也

凡子事父母樂其心不違其志樂其耳目安其寢處

以其飲食忠養之

小學方氏

註養親之道雖非即飲食以能盡亦非舍飲食以能為夫

養之以物止足以養其口體  
養之以忠則足以養其志矣

幼事長賤事貴倣此

**劉氏**

璋曰樂其心者謂左右侍養也晨昏定省也

出入從遊也起居奉侍也必當贖

贖會士

華切討其心

之所好者所惡者何在苟非悖乎大義則復



切無也

不可後所以安固老者之行以適其氣也樂

其耳目者非聲色之末也善言常入於親耳善行

常悅於親目皆所以樂之也安其寢處者謂堂室

庭除

諸會陳如切階除也

必完潔簟席氎褥衾枕帳

諸會帳張也

幄必修治之類

凡子婦未敬未孝不可遽有憎疾姑教之若不可教

然後怒之若不可怒然後笞之屢笞而終不改子放

婦出然亦不明言其犯禮也子甚宜其妻父母不悅

出子不宜其妻父母曰是善事我子行夫婦之禮焉

沒身不衰

補註

此下節猶小學言夫婦之別也

凡為宮室必辨內外深宮固門內外不共井不共浴  
堂不共廁男治外事女治內事男子晝無故不處私  
室婦人無故不窺中門男子夜行以燭婦人有故出  
中門必擁蔽其面如蓋頭面帽之類男僕非有繕修  
及有大故謂水火盜賊之類不入中門入中門婦人  
必避之不可避亦謂如水火盜賊之類亦必以袖遮  
其面女僕無故不出中門有故出中門亦必擁蔽其  
面雖小婢亦然鈴下蒼頭蘇秦傳註以青巾裹頭以異於衆但主通  
內外之言傳致內外之物毋得輒升堂室入庖厨  
凡卑幼於尊長晨亦省問夜亦安置丈夫唱喏婦人



道萬福安置。坐而尊長過之，則起出遇尊長於道，則下馬不見尊長，經再宿以上，則再拜五宿以上，則四拜賀。冬至正旦六拜，朔望四拜。凡拜數，或尊長臨時減而止之，則從尊長之命。吾家同居宗族衆多，冬至朔望聚於堂上。此假設南面之堂，若宅舍異制，臨時從宜。丈夫處左，西上；婦人處右，東上。左右謂家長之左右，皆北向。共為一列，各以長幼為序。婦以夫之長幼為序，不以身之長幼為序。共拜，家長畢，長兄立於門之左，長姊立於門之右，皆南向。諸弟妹以次拜訖，各就列。丈夫西上，婦人東上，共受卑幼拜。以宗族多

若人人致拜則不勝煩勞故同列共受之受拜訖先

退後輩立受拜於門東西如前輩之儀若卑幼自遠

方至見尊長過尊長三人以上同處者先共再拜叙

寒暄問起居訖又三再拜而止晨夜唱諾萬福安置

若尊長三人以上同處亦三而止所以避煩也

猶小學言長幼之序也

凡受女婿及外甥謂猶姪之子曰甥猶生也拜立而扶之扶謂

搗策搗拘也手搗也退外孫則立而受之可也

言接女婿外甥外孫之禮

凡節序及非時家宴上壽於家長語類問誕辰亦受子弟壽酒否朱子



曰否易衣服否曰否  
一例不受人物事卑幼盛服序立如朔望之儀先

再拜子弟之最長者一人進立於家長之前幼者一  
人搢笏執酒盞立於其左一人搢笏執酒注立於其  
右長者搢笏跪斟酒祝曰伏願某官備膺五福保族  
宜家尊長飲畢授幼者盞注反其故處長者出笏俛  
伏興退與卑幼皆再拜家長命諸卑幼坐皆再拜而  
坐家長命侍者徧酌諸卑幼諸卑幼皆起序立如前  
俱再拜就坐飲訖家長命易服皆退易便服還復就

坐  
**補註**此節言家  
宴上壽之儀

凡子始生若為之求乳母必擇良家婦人稍溫謹者

乳母不良非惟敗亂家法兼令所飼之子性行亦類

之子能食飼之教以右手子能言教之自名

曲禮子於父母

則自名註自稱其名呂氏曰子之名及唱喏萬福安父母所命敬親之命不敢有他稱

置稍有知則教之以恭敬尊長有不識尊卑長幼者

則嚴訶禁之古有胎教況於已生子始生未有知同

舉以禮況於已育有知孔子曰幼成若天性習慣如自

然顏氏家訓曰教婦初來教子嬰孩故於其始有知

不可不使之知尊卑長幼之禮若侮詈父母毆擊兄

姊父母不加訶禁反笑而獎之彼既未辨好惡謂禮

當然及其既長習已成性乃怒而禁之不可復制於



三益父母

與方名謂東西南北

女列

女戒

之類略曉大義古之

賢女無不觀圖史以自鑑如曹大家之徒皆精通經術議論明正今人或教女子以作歌詩執俗樂殊非所宜也十歲男子出就外傳居宿於外讀詩禮傳為之講解使知仁義禮知信自是以往可以讀孟荀揚子博觀群書凡所讀書必擇其精要者而讀之如禮記學記大學中庸樂記之類他書倣此其異端非聖賢之書傳宜禁之勿使妄觀以惑亂其志觀書皆通始可學文辭女子則教以婉婉婉音晚婉晚柔順貌聽從及女工之大者女工謂蠶桑織績裁縫及為飲膳不惟正是婦人之職兼欲使之知衣食所來之艱



難不敢恣為奢麗至於纂組華巧之物亦不必習也

未冠笄者質明而起總角

**內則**註總角總聚其髮而結束之為角童子之飾方

氏曰後言男角女羈此兼男女貴醕音悔洗面也面而止曰角者舉男以談之也

以見尊長佐長者供養祭祀則佐執酒食若既冠笄

則皆責以成人之禮不得復言童幼矣

**補註**此節言教男女之道

凡內外僕妾鷄初鳴咸起櫛總盥漱衣服男僕灑掃

廳事及庭鈴下蒼頭灑掃中庭女僕灑掃堂室設倚

卓陳盥漱櫛醕之具主父主母既起則拂牀襞襞音

壁疊衣也衾侍立左右以備使令退而具飲食得間

則浣

**韻會**澣亦作浣合管切濯衣垢也

濯紉

**韻會**泥鄰切以綫貫針

縫先公後

私及夜則復拂牀展衾當晝內外僕妾唯主人之命

各從其事以供百役

**補注**此節言僕妾事主父母之道

凡女僕同輩謂兄弟所使謂長者為姊後輩謂諸子

舍所使謂前輩為姨

**附則**

云雖婢妾衣服飲食必後

長者鄭康成曰人貴賤不可以無禮故使之序長幼

母之姊妹俗呼兩姨夫呼妻之姊妹亦曰姨丘氏曰世俗謂母之姊妹為姨殊不知妻之姊妹為姨也

務相雍睦其有鬭爭者主父主母聞之即呵禁之不

止即杖之理曲者杖多一止一不止獨杖不止者

**補注**

此下三節言主父母御僕妾之道

凡男僕有忠信可任者重其祿能幹家事次之其專



務欺詐背公徇私屢為盜竊弄權犯上者逐之  
凡女僕年滿不願留者縱之勤舊小過者資而嫁之  
其兩面二舌歸虛造讒離間骨肉者逐之屢為盜竊  
者逐之放蕩不謹者逐之有離叛之志者逐之

**將節**按溫公居家雜儀二十一條今隳括其內二  
節序家宴上壽為儀節附通禮後○節序儀節

是日昧爽拜祠堂畢先設主入主婦坐席於廳事  
正中序立男左女右男西上女東上主入之旁  
婦并妹為一行子姪及其婦并女子為一行孫男  
孫婦孫女為一行俟主人主婦坐定四拜訖主人  
諸中推其最長者一人立主人右其妻立主婦  
右余姪以下依前行次序立拜之四拜訖又以次  
推其長者出就次拜之如前儀拜遍分班主人諸  
子姪輩行同者分班對立男左女右互相再拜訖  
諸孫行拜其諸父如前就次儀其自相拜如分班  
儀○凡節序及非時家宴上壽儀節是日行拜賀


禮訖子弟修具畢請家長夫婦并坐于中堂諸卑  
幼皆盛服序立世為一行男左女右再拜長者進  
立于家長之前幼者一人執盞立於其左一人執  
注立於其右長者及二幼者俱跪長者受盞幼者  
執注斟酒訖二幼起長者舉手奉盞祝曰伏願尊  
親履茲長至備膺五福保族宜家正朝則改長至  
為歲端生旦則改云對茲為度祝畢家長受盞飲  
訖以盞授幼者反其故處長者俯伏興復位與卑  
幼俱四拜訖侍者注酒于盞授家長家長命長者  
至前親以酒授之長者受酒置于席端再拜取酒  
跪飲之畢興長者命侍者以次酌諸卑幼皆出位  
跪飲畢執事者舉食卓入擺列男席于外女席于  
內婦女辭拜入內席家長命諸卑幼坐惟未冠及  
冠而未婚者不得坐諸卑幼俱拜而後坐各就席  
乃以次行酒或三行或五行子爭迭  
起勸侑隨宜畢各出席再拜禮畢

家禮源流卷之三











禮通流源

一